



Broj 1. Broj.

SARAJEVO, 29. aprila 1909. = САРАЈЕВО, 16. априла 1909.

God. I. Год.

GLAS SLOBODE | ГЛАС СЛОБОДЕ

ОРГАН СОЦИЈАЛНО-ДЕМОКРАТСКЕ СТРАНКЕ
Босне и Херцеговине

ОРГАН СОЦИЈАЛНО-ДЕМОКРАТСКЕ СТРАНКЕ
Босне и Херцеговине

Izlazi svakog 5., 15. i 25. u mjesecu
Izlazi svakog 5., 15. i 25. у мјесецу п.и.к.

Broj 10 helera
Број 10 хелера
Preplata: rukopisi se šalju na odgovornog urednika
Претплате: рукописи се шаљу на одговорног уредника

Preplata: — Претплата:
за Bosnu i Hercegovinu i A-Ugarsku godišnje K 4.—
за Bosnu i Hercegovinu i A-Ugarsku godišnje K 5.50
за ostale zemlje — за остале земље

Pokretanje našeg lista.

Radnički pokret u Bosni i Hercegovini postoji vec tri četiri godine i do dana nije imao ono. što mu je uprave najpotrebniye, a to je svoje glasilo koje bi štitilo interese radničke klase i proučavalo široke narodne slojeve, dokazujući opravdanost razredne borbe proletarijata i upućujući ga o socijalističkom naziranju na društvo te ujedno o njegovim zahtjevima za promjenu ovoga nepravednog i na izrabljivanju osnovanog društvenog porekta.

Nije bilo lista koji bi radnike branio od napadaja raznih gragjanaka listova, a naročito njihovih podvala, koje su u pojedinim slučajevima podmećane nama i našim organizacijama. Na takve zlonamjerne podvale mi nismo mogli odgovarati, te su neobavješteni slojevi radništva često nasjedali tim izmišljotinama. Razumije se, da je o našim organizacijama od toga često puta bilo makar momentalno štete. Pored ovoga list je jedno vrlo važno i jako sredstvo u radničkoj borbi. Ovo su sve bili vrlo važni razlozi, da je nama list preko potreban.

Pored drugih sitnih, glavni uzrok da dosada nije bilo radničkog lista, jesu štampareke prilike u zemlji. Po bosansko-hercegovačkom zakonu o štampi, svaki list, koji izlazi dnevno, mora platiti kauciju od 10 000 K. ako izlazi nedjeljno 6000 K, a ako izlazi manje nego nedjeljno 3000 K. Prema tome, da bi smo mi mogli pokrenuti list, trebalo je prvo skupiti potrebne novce za kauciju a to je svakako teško kad se uzme slabo materijalno stanje radnika. No sahvaljujući svijest samih organizovanih radnika, mi smo danas u mogućnosti, da

pokrenemo ovaj radnički list jer smo akupili kauciju od 3000 K. te će na taj način naš list izlaziti samo tri put mjesечно i u svakog 5., 15. i 25. u mjesecu. Potreba našeg radničkog pokreta zahtijeva svakako da bi naš list izlazio i češće, ali baš zbog toga. Ali nam je nemoguće platiti veću kauciju, za sada je to nemoguće ne kažnjevamo svakako udovoljiti i toj potrebi, a to će biti na taj način ili da skupimo veću kauciju ili ako se promijeni sadanji zakon o štampi što će svakako morati biti i nastupom nove ustavne ere.

Još prije skoro dvije godine počeli smo raditi da saberemo sredstava za pokrenuce, jer smo zbilja racunali da radnički pokret bez njega nema onog svog pravog značenja. U tu svrhu smo izdali i proglašene, u kojima smo pozivali radnike, da svaki dade dobrovoljno koliko hoće za list. Ver ti cirkulari, koji su poslije proglašeni kupljeni, uspjeli su dobrim plodom. No pošto i to nije bilo doista, proglašeni kongres Glavnog Radničkog Saveza zaključio je, da svaki organizovan radnik uplati po 1 K u deset nedjeljnih obroka za list. Pomocu ovih novaca i novaca od nekih zabava, koje smo održavali u korist lista, skupili smo potrebnu kauciju za desetodnevni list, te danas izlazimo sa prvim brojem prvog pravog radničkog lista u Bosni i Hercegovini — „Glasa Slobode“.

Sa pokrenućem „Glasa Slobode“ udovoljavamo jednoj od najvažnijih potreba našeg pokreta, koji vrlo dobro napreduje, te upravo bilo je nužda, da se ovaj list pokrene, a tim veći od kako je oduzel postdebit zagrebačkoj drugarekoj „Slobodnoj Riječi“ koja je u ono vrijeme služila,

nama te davała radnicima dobru duševnu hranu. Jedno od najvažnijih sredstava za agitaciju i proširivanje socijalističkih ideja u Airoke narodne slojeve, jeste svakako radnička štampa. S tim mi moramo rađati te i raditi na tome, da bosansko-hercegovačkom radnom narodu damo radničkih novina i knjiga na čitanje, te mu time pokazivati put, kako da se izbavi iz današnjeg neštosnog stanja.

Do pred kratko vrijeme naš pokret je bio isključivo strukovni. No u zadnje vrijeme, kada su navještene ustavne prilike u ovim zemljama, mi smo počeli i sa političkim radom. Osnovali smo socijalno-demokratsku stranku Bosne i Hercegovine, izdali njen program, te pokretanjem „Glasa Slobode“ idemo još jedan korak naprijed, jer će se „Glas Slobode“ boriti, kako za ekonomsku, tako i za politička prava radničke klase.

Zadatak, koju naš list ima velika je. No glavna svrha će mu biti prosvjedivanje radnika, širiti nauku socijalizma, dokazivati potrebu razredne borbe, te svestranoštiti interesu radničke, drži se uvijek socijalno-demokratskog programa, kao jedinog, kojim se može radnička klasa osloboditi od kapitalističkog rostva. „Glas Slobode“ će se baviti ekonomskim i političkim pitanjima, objektivnom, oštrom i nepristranom kritikom svega onoga, što ide protiv radničkih interesa, za tim „Glas Slobode“ će biti vodič u radničkoj borbi, te ukazivati uzroke radničkoj bijedi i nadine, kako da se ona odstrani.

Naročito zbog ovakih političkih prilika, u kojima se nalazi Bosna i Hercegovina, „Glas Slobode“ će znati da vodi tešku

FAKSIMIL NASLOVNE STRANE PRVOG BROJA GLASA SLOBODE IZ 1909. GODINE





ZAŠTO GLAS SLOBODE?



U Sarajevu je 5. jula 1908. godine održan Drugi kongres Glavnog radničkog saveza za Bosnu i Hercegovinu, a jedna od sedam tačaka dnevnog reda bilo je osnivanje radničkog lista. Ideja je bila napraviti novinu koja će pronijeti glas radničkog pokreta i pomoći u borbi za prava radnika.

Treba imati u vidu da je ovo period uspona nacionalnih pokreta, te da je radnički pokret bio svojevrsna alternativa koji je od nacionalnih pitanja pažnju javnosti nastojao skrenuti na radnička pitanja, visinu dnevnice, dužinu radnog vremena, zaštitu radnika i druge teme od životne važnosti. Iste godine počinju i pripreme za formiranje partije koja će biti politički predstavnik bosanskohercegovačkih radnika i protuteža nacionalnim strankama. Ljevičari su odlučili da novu stranku nazovu „Socijaldemokratska stranka Bosne i Hercegovine“, a svoj list „Glas slobode“.

Prije pojave ovog lista aktivisti radničkog pokreta su se služili listovima i publikacijama iz susjednih zemalja, ali oni jednostavno nisu mogli zadovoljiti specifične potrebe ovdašnjeg radništva niti su se bavili lokalnim temama.

Prvi broj Glas slobode izašao je prije 107 godina, u aprilu 1909. godine. List je stekao ogromnu popularnost kao glas političke i sindikalne organizacije bosanskohercegovačkih radnika. Nastavio je izlaziti narednih 20 godina, nekada kao sedmični, nekada kao dvosedmični ili tro-sedmični, a naposlijetu kao dnevni list i to u 5000 primjeraka dnevno.

Nosio je poruku o nužnosti borbe za radnička, građanska i politička prava i slobode svih stanovnika Bosne i Hercegovine, a naročito onih koji žive od svog rada.

Prvi broj Glas slobode izašao je prije 107 godina, u aprilu 1909. godine.

List je stekao ogromnu popularnost kao glas političke i sindikalne organizacije bosanskohercegovačkih radnika.

Nastavio je izlaziti narednih 20 godina, nekada kao sedmični, nekada kao dvosedmični ili tro-sedmični, a naposlijetu kao dnevni list i to u 5000 primjeraka dnevno.

Glavni radnički savez, Socijaldemokratska stranka i Glas slobode činili su tri međusobno isprepletena dijela iste cjeline – radničkog pokreta u Bosni i Hercegovini.

U godinama koje će doći partija je doživljavala transformacije i ujedinila se sa drugim sličnim partijama u Jugoslaviji, ali Glas slobode je nastavio raditi i djelovati kao dio partije i glasilo bosanskohercegovačkih ljevičara.

Danas Socijaldemokratska partija, kao nasljednica Socijaldemokratske stranke, ponovo pokreće Glas slobode, medij koji će artikulisati i širiti glas socijaldemokrata i svih aktivista koji se bore za radnička, građanska, politička, ekonomski i ljudska prava stanovnika Bosne i Hercegovine.

Nadamo se da je ovo jedan od mnogih brojeva, da ćemo Glas slobode proširiti i na druge medijske platforme, te da će ljevičari širom Bosne i Hercegovine ovaj medij doživjeti kao prostor gdje možemo zajednički iznositi, čitati i diskutovati o važnim pitanjima za budućnost našeg društva i naše zemlje.

Glas slobode uređuje i izdaje Socijaldemokratska partija Bosne i Hercegovine, medij smo sa političkim stavom, ljevičarski orientisani i nemamo namjeru to skrivati.

Naši listovi ostaju otvoreni za sve organizacije, sindikate, udruženja i pojedince koji se osjećaju kao ljevičari, ovu zemlju žele vidijeti kao socijalnu državu blagostanja zasnovanu na principima ZAVNOBIH-a, te koji priželjkuju društvo slobode, jednakosti i solidarnosti.

IMPRESSUM

UREDNIČKI KOLEGIJ: Vedad Hajdarević, Malik Garibija, Denis Vrhovčić, Vesna Bukvić, Adnan Sobo

DTP: Adi Kasumović

Fotografije: Nino Maričić

www.sdp.ba



Glas slobode ima svoje jasno značenje i danas, kao što je imao i prije više od stotinu godina

Drugarice i drugovi,

Dragi moji SDP-ovci, ali i građani Bosne i Hercegovine, koji ste u prilici ovo čitati. Pred Vama je prvi broj naše novine Glas slobode. Radi se, zapravo, o ponovnom pokretanju prvog glasila, tada Socijaldemokratske stranke, a danas Socijaldemokratske partije, koji je po prvi put izšao još davne 1909. godine.

Tada, kao i danas, vrijeme u kojem djeluje naša partija izuzetno je turbulentno i obilježeno sa velikim brojem izazova. Prava građana, bili oni radnici, studenti, seljaci, penzioneri, žene ili mladi su na udaru primarno nacionalističkih ideologija i politika koje građani i njihovi interesi uopšte ne zanimaju. Iz tog razloga vjerujemo da je i na simboličnoj ravni potrebno odgovoriti takvoj politici.

Zato Glas slobode ima svoje jasno značenje i danas, kao što je imao i prije više od stotinu godina.

Mi u SDP-u prolazimo kroz period demokratizacije i pluralizacije naše partije. Puno je toga što smo uradili u protekloj godini, a još i više je toga što tek namjeravamo uraditi u tom procesu, čiji smo sudionici svi mi za jedno. Sve to ima jedan i jasan cilj. Osnažiti SDP kao jedinu istinsku multietničku građansku partiju u BiH, kao političku snagu koja mora postati ključna politička snaga u Bosni i Hercegovini, jer samo SDP, samo socijaldemokratija i ideologija zajedništva, jednakosti i solidarnosti od BiH može napraviti domovinu po mjeri svih njenih ljudi.

Najbolja potvrda toga da smo na dobrom putu jeste svakodnevni rast broja naših članova. Trenutno u SDP-u imamo 34.390 članova, a to je

naša najveća snaga i naše najveće bogatstvo. Povjerenje u SDP svakim danom raste. Naša odgovornost je da na povjerenje naših građana odgovorimo predanim radom, odgovornom i hrabrom politikom, anti-fašizmom i nedvosmislenom borborom za pravedno društvo, za jedinstvenu i snažnu BiH.

Uvažavajući moderne trendove i tehnološka dostignuća, naša partija koristi sve oblike moderne komunikacije kako bi se članstvo i simpatizeri SDP-a upoznali sa onim šta i kako radimo. Također, korištenjem ovih kanala želimo podstaći sve naše ljude da u međusobnoj interakciji i razmjeni mišljenja dođemo da najboljih rješenja.

Pored ovoga, želja nam je i da kroz jedan vid štampanog medija ostvarimo takvu vrstu komunikacije između našeg članstva i simpatizera. Zato smo odlučili ponovo pokrenuti Glas slobode.

Uvjeren sam da ćete na stranicama naše novine pronaći puno informacija o radu i aktivnostima SDP-a i njegovih ljudi. Nadam se da će i ovaj oblik komunikacije podstaći daljnji razvitak i napredak naše partije. Redakcija lista Glas slobode, baš kao i naša partija, otvorena je za sve prijedloge, sugestije, kritike, tekstove i razmišljanja naših članova.

Vjerujem da uključenost svih članova i donošenje odluka, uz potpunu saradnju i uvažavanje različitih mišljenja, predstavljaju temelje demokratije unutar SDP BiH koju želimo prenijeti na cijelokupni politički sistem u našoj državi.

Iskreno se nadam da ćemo i kroz ovaj vid otvorenog političkog djelovanja doprinijeti ostvarenju tog cilja i učiniti Bosnu i Hercegovinu boljim mjestom za život svih njenih građana.



Jako je važno da u BiH spriječimo poricanje genocida

Klub zastupnika SDP BiH u Predstavničkom domu Parlamentarne skupštine BiH uputio je u parlamentarnu proceduru Prijedlog zakona o zabrani javnog poricanja, minimiziranja, opravdavanja ili odobravanja holokausta, zločina genocida i zločina protiv čovječnosti.

Denis Bećirović je na pres-konferenciji, govoreći o temeljnim karakteristikama predloženog zakona, istaknuo da „moramo provesti međunarodne obaveze BiH o kojima se ne može pogodati i raspravljati, koje se moraju dosljedno i konzistentno implementirati i u našoj državi“.

„Druga njegova karakteristika jeste da on potpuno poštuje sve nevine žrtve u BiH, zatim da teži izgradnji društva pravde, istine i mira, društva poštivanja ljudskih prava“, kazao je Bećirović.



Ponovo predložen Zakon o medicinski potpomognutoj oplodnji

Zakon o liječenju neplodnosti biomedicinski potpomognutom oplodnjom će se ponovo naći na dnevnom redu Parlamenta Federacije BiH, od strane Kluba zastupnika SDP BiH.

„Ovaj Zakon donosi ogromnu korist parovima koji imaju problema sa začećem djece, a njih nije malo. Mnogi o tome šute i ne traže pomoći. Usvoji li se predloženi Zakon, ovim parovima će biti omogućena dva besplatna pokušaja potpomognute oplodnje. U

Dodao je da predloženi Zakon promovira ambijent sigurnosti i slobode za sve dobromjerne građane BiH „koji treba da znaju da u ovoj zemlji postoji zakon u kojem su negiranje i poricanje ili minimiziranje genocida i drugih ratnih zločina najstrožije zabranjeni“.

Zamjenik predsjedavajućeg Kluba poslanika SDP-a BiH Saša Magazinović je kazao da ovaj zakon nije pravljen ni za koga i ni protiv koga i ne odnosi se ni na koga pojedinačno, niti na bilo koju etničku grupu. „Ovo je zakon koji ima za cilj da pomogne dekontaminaciju javnog prostora od govora mržnje u BiH i ovaj zakon u skladu s novim pristupom Evropske unije BiH. Zakon ima za cilj da spriječi količinu mržnje i govora mržnje u javnom prostoru“, rekao je Magazinović.

odnosu na Nacrt ovog zakona pooštene su i mјere u slučaju zloupotrebe“, pojasnila je Mira Ljubljankić, zastupnica u Predstavničkom domu Parlamenta FBiH.

Zakon je već ranije bio u proceduri, ali su ga oborili zastupnici SDA i HDZ BiH. Zastupnici SDP BiH su najavili da će Zakon ponovo aktualizirati, reagujući na izjavu Premijera Fadila Novalića o padu nataliteta, te da će se sada pokazati da li je u pitanju lažna ili stvarna briga. Klub SDP BiH je pokrenuo i inicijativu koja je dobila podršku Parlamenta, a, unatoč tome, Vlada FBiH nije stavila pomenuti Zakon u ovogodišnji program rada Vlade.

„Uvažene su mnoge izmjene u odnosu na Nacrt zakona, ne vidimo potrebu da zakon bude odbijen ili da ga zastupnici obore samo zato što dolazi iz SDP-a. Dešavalo nam se to ranije sa drugim zakonima, a nadamo se da to neće biti slučaj sada. Ako ne dobijemo podršku, ponovo ćemo zakon predložiti za šest mjeseci. Ovi parovi ne odustaju od borbe za djecu, pa ne smijemo ni mi“, naglasila je Mira Grgić, zastupnica u Parlamentu FBiH.

„Nakon njegovih ekonomskih i političkih izleta, nisam siguran da više bilo ko premijera Novalića doživljava ozbiljno. Od njegove stranke pa do cijekupne javnosti.

Posljednji sastanak koalicije SDA i HDZ je najbolji odgovor Novaliću, koji je jasno pokazao da imamo jednu izgubljenu godinu iza nas, u kojoj vlast, kako sami kažu, presporo radi i presporo se dogovara. Nažalost, na djelu imamo premijera i koaliciju kojoj treba godinu dana da utvrdi kako imaju problem u funkcionisanju i još da se pri tome i ne razumiju dovoljno. Tako da su o sebi najbolju ocjenu dali upravo sami, samo što građani nemaju nikakve koristi od njihovog trenutka istine“, dodao je Žuljević.



Izjave Fadila Novalića su neozbiljne

Aner Žuljević, delegat SDP BiH u Domu naroda FBiH, smatra da su optužbe premijera Vlade FBiH Fadila Novalića o tome kako, navodno, SDP i DF žele biti dio vlasti neozbiljne.

Naša razjedinjenost bila bi najbolji poklon vladajućim strankama

Predsjednik SDP BiH Nermin Nikšić rekao je kako je SDP odlučio da će na predstojećim izborima imati svoje kandidate za načelnike ili da će podržati one koje predloži „DF ili neka treća stranka sličnih političkih programa ili neke nezavisne kandidate“. Nikšić je kazao kako je SDP BiH velika politička stranka koja ima potrebnu politički kapacitet, tradiciju i snagu koja se mjeri brojnošću članstva, sistemu unutrašnjih izbora po principu „Jedan član-jedan glas“ koji nema niti jedna nominalno demokratska stranka. Baš iz tih razloga, kako kaže, SDP je spreman izaći na predstojeće izbore samostalno.

„Više puta smo javno i jasno govorili o tome da je SDP BiH odlučio na lokalne izbore izaći na način da će u lokalnim organizacijama imati svoje liste za općinska i gradska vijeća, odnosno skupštinu opštine, dok će nominacije imena kandidata za načelnike općina i gradonačelnike biti rezultat analize stanja na terenu, potreba i stavova lokalnih organizacija SDP BiH. To, uistvari, znači da će u cilju jačanja pozicije ljevice to možda biti kandidati naše partije, oni koje predloži DF ili neka treća stranka sličnih političkih programa ili neki nezavisni kandidat“, rekao je Nikšić.

Nikšić dodaje da su u SDP-u svjesni ozbiljnosti situacije u koju su našu državu dovele vladajuće nacionalne stranke tako da su jasno i otvoreno iznijeli stav: ljevica ne smije više nikada izaći na izbore razjedinjena.

„Činjenica da su mediji veliku pažnju poklonili navodnom pucanju koalicije na lijevom spektru političke scene u BiH pokazuje da smo u pravu. Naša razjedinjenost bila bi najbolji poklon vladajućim političkim strankama. Nema nikakve sumnje da građani nisu u većini opredijeljeni da glasaju za nacionalne stranke, ali njihovi kandidati mogu odnijeti pobedu najviše zahvaljujući rasipanju glasova stranaka ljevice, te apstinenciji naših glasača koja se javlja kao posljedica tog nejedinstva. Isto tako znamo šta nećemo, a to je koalicija sa SDA, HDZ i SNSD, pa čak ni sa SBB ukoliko se ta stranka jasno ne distancira od politika podjele države na kojima intenzivno rade HDZ, SDA i SNSD“, ističe Nikšić.

Ustavni sud FBiH Zakon o radu proglašio neustavnim

Ustavni sud Federacije BiH donio je presudu u kojoj stoji da je Zakon o radu ovog entiteta donesen suprotno Ustavu FBiH i Poslovniku o radu. Time je ovaj zakon stavljen van snage.

Kako je saopćeno iz Ustavnog suda FBiH, sjednica Doma naroda Parlamenta FBiH u dijelu odlučivanja o Zakonu o radu održana je u suprotnosti sa Pravilnikom o radu i Ustavom.

Podsjetimo, delegati Socijaldemokratske partije Bosne i Hercegovine, Demokratske fronte i Naše stranke u Domu naroda Parlamenta Federacije BiH pokrenuli su u oktobru prošle godine pred Ustavnim sudom Federacije BiH spor u vezi s procedurom usvajanja Zakona o radu. Spor je pokrenulo 17 delegata Doma naroda.

Delegati SDP BiH su se žalili da je kršenjem Poslovnika o radu Doma naroda Parlamenta FBiH, te Ustava FBiH, od rukovodstva Doma, delegatima Doma naroda onemogućeno pravo da ulažu amandmane na predloženi Zakon, čime temeljna demokratska procedura usvajanja zakona zagarantirana Ustavom FBiH nije ispoštovana.

Osuđeno usvajanje Zakona o radu Republike Srpske

Socijaldemokratska partija BiH je najoštrije osudila pritisak režima u Republici Srpskoj, putem Ministarstva unutrašnjih poslova, na sindikalne aktiviste u ovom bh. entitetu, tokom protesta protiv usvajanja Zakona o radu RS.

Način na koji je Vlada RS-a uputila u skupštinsku proceduru i način na koji je usvojen novi Zakon o radu, dakle u hitnom postupku bez saglasnosti sindikata i provedene javne rasprave, jako podsjeća na sve ono što je radila i vlada premijera Fadila Novalića kada je preko koljena usvajan isti zakon i u Federaciji BiH.

Smatramo da Zakon o radu u RS nije mogao biti donesen bez dogovora sa socijalnim partnerima. Vlada RS-a, kao i prethodno Vlada FBiH, još jednom su pokazale nedopustiv stepen nepoštivanja radnika i građana BiH koji sa, nevjerojatnom dozom bahatosti, štite samo interes vlasničkog kapitala, te da radnici, prema mišljenju te iste vlasti, trebaju raditi za najmizernije plate u Evropi.

Pružamo punu podršku sindikatima u BiH u njihovoj borbi za zaštitu radničkih prava i zadužuje zastupnike na svim nivoima vlasti da nastave sa započetim aktivnostima, kako bi se spriječilo dalje gaženje radničkih prava.

Amandmanom Envera Bijedića omogućena privremena registracija vozila

Predstavnički dom Parlamenta Federacije BiH usvojio je amandman na Prijedlog zakona o izmjenama i dopunama Zakona o osiguranju od odgovornosti za motorna vozila, a kojeg je predložio Enver Bijedić, zastupnik SDP-a.

Naime, ovim amandmanom uvodi se mogućnost osiguranja od auto odgovornosti i to na način da dužina tog osiguranja ne bude 12 mjeseci, nego na kraći period (3,6,9 mjeseci), a u tu kategoriju bi ulazili sljedeći tipovi vozila: motocikli, kamp kućice i specijalne građevinske mašine-vozila.

“Sva nabrojana vozila se koriste u samo određenim vremenskim intervalima tokom kalendarske godine i mislim da bi ispravno bilo našim građanima olakšati registraciju takvih tipova vozila, jer u današnje vrijeme je više nego teško građanima da registraciju vozila koje koriste tri mjeseca plate u punom iznosu”, obrazložio je Enver Bijedić.



SDP BiH je jedina snaga koja može sačuvati Tuzlu

SDP BiH je jedina snaga koja može sačuvati Tuzlu, Tuzlanski kanton i Bosnu i Hercegovinu, rečeno je nedavno na vanrednoj press konferenciji GO i KO SDP BiH Tuzla.

Naime, u nizu sastanaka, a kojima je prisustvovao i predsjednik SDP-a Nermin Nikšić, došlo se do potpunog postizanja jedinstva, te je zaključeno da SDP mora nastaviti sa kontinuitetom razvoja Tuzle u jedinstvu i zajedništvu.

“Kao i sve druge partije i SDP je imao u proteklom periodu određenih problema i nesuglasica. To je sasvim normalno, posebno u procesu demokratizacije. Okrenuli smo se tome da život građanima Tuzle i BiH učinimo boljim i ugodnijim”, kazao je predsjednik Gradskog odbora SDP-a Sladan Ilić. Prema riječima predsjednika Kantonalnog odbora SDP-a Envera Bijedića, sve stvari koje su u prethodnom periodu bile plod pojedinih razmisljalaženja moraju se staviti u stranu.

“Moramo zbiti naše redove jer jedino SDP može odbraniti Tuzlu, Tuzlanski kanton, da ne kažem i državu, od velike pojave nacionalizma koji prije-

ti i koji se ujedinjuje. Ako sad pustimo i ako ne napravimo jedan lijevi blok partija koje bi trebale da budu pravi odgovor na takve nacionalne težnje, možemo ponovo doživjeti velike probleme na ovim prostorima”, naglasio je Bijedić. Gradonačelnik Tuzle i član Glavnog odbora SDP-a Jasmin Imamović, kaže da je SDP u većoj je prednosti od ostalih partija kada je u pitanju jedinstvo različitosti.

“Smatram da je SDP, zajedno sa drugim lijevim partijama, najveći faktor integracije u BiH. Nas veže naš grad i smatramo da je samo ovaj koncept vlasti koji nudi SDP dobar za Tuzlu, a da je ona nezamjenjiva u BiH”, istaknuo je Imamović. Bivši gradonačelnik Tuzle Selim Bešlagić kaže da SDP mora povući građansku opciju u Tuzli i začrtati ono što se zove Tuzla.

„Započinjemo novi period u kojem ćemo u kratkom roku prevazići sva pitanja koja smo do sada imali. Mislim da je to jedna od najpozitivnijih stvari koju vam saopštavamo”, kazao je Bešlagić.



Nedopustivo je da banke lihvare i profitiraju na teškoj ekonomskoj situaciji

Zbog kredita u švicarskim francima u našoj zemlji se oko 10.000 porodica nalazi u dužničkom ropstvu, a upravo je ta činjenica podstakla SDP BiH da u proceduru uputi Zakon o konverziji kredita u švicarskim francima.

„Građani su do danas uglavnom vratili i glavnici i kamate, ali su i dalje dužni bankama. Čak su u opasnosti da izgube imovinu koju su već otplatili. To je nepravedan i nepošten sistem, a država mora reagovati i zaštiti svoje građane. Nedopustivo je da banke lihvare i profitiraju na teškoj ekonomskoj situaciji bh. građana i da ostvaruju ekstraprofit, pored onog osnovnog profita, kojeg svakako imaju“, poručio je Irfan Čengić, generalni sekretar SDP BiH.

Ovim zakonskim rješenjem će biti omogućeno građanima da

kredite uzete u francima pretvore u kredite u konvertibilnim markama. Istaknuto je kako su ova rješenja već primjenile zemlje članice EU, poput Hrvatske i Mađarske, a SDP sada nudi zakonsko rješenje bh. građanima.

„Parlament FBiH treba štititi interese građana. Sraman je način na koji su pljačkani naši građani – tako što je glavnica isplaćena u konvertibilnim markama, a otplata je vezana za švicarski frank, tako je sa rastom franka došlo do rasta rata i anuiteta. To je u suprotnosti Zakonom o obligacionim odnosima. Ako je Hrvatska mogla zaštiti svoje građane zakonom, ne vidimo razlog da to ne uradi i naša zemlja“, pojasnio je Elvir Karajbić, šef kluba zastupnika SDP-a u Zastupničkom domu Parlamenta FBiH.

Gradići nisu dužni plaćati "duševnu bol" ministara

SDP BiH traži od Vlade Federacije BiH da odmah i bez odlaganja ukine sramnu odluku kojom je ministrima i savjetnicima u Vladi FBiH ponovo uvedena naknada za takozvani odvojeni život u visini od 300 KM. Ova naknada kojom se plaća “duševna bol” ministara i njihovih savjetnika zbog odvojenosti od rodne grude i porodice vrh je bezobrazluka i nemoralna koji se ne može tolerisati. Ovakvim potezom koalicija SDA-SBB-HDZ pokazuje kako je odvojena od građana i realnosti u kojoj se cijela zemlja nalazi.

S obzirom da je trenutna Vlada pokazala da je spremna raditi i nedjeljom, kada treba imenovati kadrove u javnim preduzećima, očekujemo da istu hitnost posveti i ovom pitanju i odmah ukine skandaloznu odluku. Ukoliko to ne uradi valjda će svima biti jasno kakva bahata i bezosjećajna oligarhija vlada u Federaciji BiH.

Podsjećamo koaliciju SDA-SBB-HDZ kako je Vlada koju je vodio SDP BiH u prethodnom mandatu ovu naknadu svela na iznos od 1 KM, čime su ostvarene uštede od nekih milion maraka na godišnjem nivou, a jedini razlog zašto ova naknada nije ukinuta jeste nepostojanje potrebne većine u Parlamentu da se ona u potpunosti izbriše iz zakona i to ponovo zbog protivljenja zastupnika SDA i HDZ u prošlom mandatu.



TEMA BROJA

Sudeći prema najavama SDA i HDZ-a Grad Mostar nalazi se pred definitivnom podjelom na bošnjački i hrvatski geto koji će dijeliti Neretva. Iako u SDA još nemaju hrabrosti ovo otvoreno saopštiti građanima Mostara i BiH, evidentno je da je ovakva podjela dogovorena.

UKOLIKO SE MOSTAR PODIJELI, PODIJELIT ĆE SE I BIH

Da je u toku plan podjele Mostara može se zaključiti iz medijskih istupa predsjednika SDA Bakira Izetbegovića, koji je poručio kako će se grad Mostar podijeliti na hrvatsku i bošnjačku opštinu, a da će te opštine onda činiti "jedinstven" grad. Takav Mostar postao bi Istočni i Zapadni Berlin 21.vijeka i bio bi to jedini grad u Evropi koji je formalno podijeljen po etničkom principu.

PROTIV PODJELE NA DVije OPĆINE

Predsjednik SDA poslao je još jednu opasnu i retrogradnu poruku tvrdnjom kako je ovaj plan za Mostar "bošnjačka ponuda"!? Nije jasno iz čega on misli da crpi legitimitet davanja ponuda u ime cijelog naroda, ali je sasvim jasno da se na taj način Bošnjaci od strane lidera SDA svode na plemensku zajednicu. SDA želi zajedno sa HDZ-om dovršiti komadanje BiH podjelom Mostara po etničkoj, ratnoj granici, što je uvod u definitivnu podjelu BiH na tri dijela.

Tema Mostara bila je okosnica i nedavnog sastanka predsjednika Socijaldemokratske partije BiH Nermi- na Nikšića sa šefom misije OSCE-a u BiH Jonathanom Moorem, na kome je iskazana zabrinutost sve glasnjim najavama podjele Mostara, koja bi, faktički, značila uvod u definitivnu podjelu BiH.

"Ukoliko dođe do podjele Mostara, došlo bi do podjele Federacije, a time i do podjele BiH. Našim prijedlogom želimo preduhitriti da SDA i HDZ ponude rješenje podjele Mostara po principu "uzmi ili ostavi" uoči isteka roka za usvajanje izmjena Izbornog zakona, pa da Mostar

još jednom ostane bez lokalnih izbora. Zato naš prijedlog o održavanju izbora u Mostaru predviđa Mostar kao jedinstven grad sa tri multietničke izborne jedinice, dok gradonačelnik, dogradonačelnik i predsjednik Gradskog vijeća ne mogu dolaziti iz istog naroda", rekao je Nikšić. Za rješenje mostarskog problema iskristalizirala su se tri prijedloga – HDZ-a, SDA, te zajednički prijedlog SDP-a i DF-a. Predsjednik SDP BiH Hercegovačko-neretvanskog kantona Zoran Mikulić ocjenjuje da je HDZ-ova vizija Mostara još jedan korak unatrag, budući da povećava nacionalne kvote sa 15 na 17, na štetu Srba, čija se minimalna kvota smanjuje sa četiri na tri. "Nije ni najmanje zanemarivo da se time neminovno smanjuje i nacionalna kvota Bošnjaka, jer Vijeće broji 35 vijećnika, pa bi 17 Hrvata i tri Srbina kao i jedan iz reda Ostalih, za Bošnjake ostavili samo 14 mjesta. Sve je to popraćeno ujedinjavanjem neke dvije ili tri centralne izborne jedinice, u kojima HDZ ima absolutnu većinu, uz naglašeno potenciranje postojećih etničkih izbornih jedinica iz kojih bi dodatno ojačali svoj položaj preko novog instrumenta tzv. kompenzacijskih mandata. Jasno je da bi kompenzacijskim mandatima dodatno profitirale stranke koje osvoje najveći broj glasova pa bi, u zavisnosti od broja tih kompenzacijskih mandata, jedna stranka, a time i jedan narod, uz već viđeno manipuliranje sa "svojim Srbima ili čak svojim Bošnjacima", definitivno mogla imati absolutnu većinu u Gradskom vijeću", kaže Mikulić i dodaje da svaka stranka predlaže samo ona rješenja koja bi njoj omogućila absolutnu vlast, s tim što SDA traži absolutnu vlast u Istočnom Berlinu, a HDZ u cijelom gradu, a na-

jmanje što HDZ može dobiti je barem absolutna vlast u Zapadnom Berlinu.

"HDZ-ov prijedlog opet nudi majorizaciju jer predviđa da predstavnika jednog naroda bude više, na štetu drugog, a posebno trećeg uz opasno nacionalno, a poglavito stranačko približavanje absolutnoj većini u Vijeću. Sve upućuje na to da ni jedni ni drugi zapravo ne žele postići rješenje na dobrobit građana jer im postojeće stanje absolutno odgovara. Za to je nebrojeno mnogo primjera, a zadnji u nizu je mostarski proračun po principu "nama naše- vama vaše", kaže Mikulić.

Potpredsjednica SDP BiH Lana Prlić smatra da je SDP, zajedno sa DF-om, ponudio istinsko rješenje za jedinstveni Mostar, koje bi omogućilo održavanje lokalnih izbora u ovom gradu nakon osam godina.

"Građani Mostara su u posljednje četiri godine taoci odnosa SDA i HDZ, te nemaju priliku izraziti svoje demokratsko pravo, a to je izbor svojih lokalnih zvaničnika na izborima. Podjelu Mostara ne smijemo dopustiti, jer to vodi daljnjoj podjeli BiH. Naš prijedlog smo prezentovali i poslali svim institucijama i političkim strankama, zato pozivamo sve one, koji imaju konkretnе prijedloge, da dopune naš prijedlog i da nam se pridruže u borbi za Mostar koji je jedinstven, a ne Mostar "od i do Bulevara". Građani nisu statistička greška, već oni čiji se glas treba čuti i poštovati, a upravo je zbog toga SDP nedavno održao skup na kojem su građani mogli dati prijedloge kako oni žele vidjeti Mostar u budućnosti", dodala je Prlić.

Mostar nema vremena za čekanje

Edin Zagorčić, predsjednik Gradskog odbora SDP BiH Mostar, smatra da je jedino prihvatljivo rješenje ono SDP-a i DF-a, po kojemu bi Mostar ostao jedinstven s tri multietničke izborne jedinice i institucionalnom zaštitom svih naroda koji žive u Mostaru.

"Naše rješenje također predviđa zaštitu interesa građana srpske nacionalnosti, što je nastavak politike SDPBiH, koji se i u prošlosti borio za prava srpskog naroda u HNK-u. Prvi smo koji su insistirali da se srpski narod inkorporira

u Ustav HNK-a, dok se, putem naše zastupnice u kantonalnoj Skupštini Vesne Saradžić, i danas u skupštinskim klupama kroz konkretnе primjere sve češće skreće pažnju na težak položaj srpskog naroda na ovim prostorima. Smatramo da su Srbi u posljednjih 20 godina bili na margini društvenog i političkog života i da svakako trebaju uzeti učešće u političkom životu Mostara. SDP BiH je uvek otvoren za sve narode i ljudе koji podržavaju naš program i mi smo ti koji su se dosad, a koji će se i dalje boriti za povratak Srba u politički i društveni život u HNK i Gradu Mostaru", dodao je Zagorčić.



POLITIČKE ELITE SDA I HDZ VLADAJU MOSTAROM

Potpredsjednik Socijaldemokratske partije BiH Miro Lazović smatra da je Mostar dugo talac nacionalnih politika SDA i HDZ, koje su dugogodišnjim sebičnim i anahronim politikama gotovo ugušile tolerantni građanski duh koji je krasio Mostar i njegove građane.

„Sadašnji status grada Mostara se doima kao čardak ni na nebu ni na zemlji. Ima gradonačelnika, ali nema gradsko vijeće. Još uvijek razrušeni Bulevar kao ratna linija razdvajanja opominje na prisutne etničke i druge podjele. Na crtama ratnih sukoba, do tada jedinstvenog grada, podigli su visoke političke zidove kao neprobojne bedeme za multietničke partije i njihove građanske politike. Unutar tih nevidljivih zidina manipulišući nacionalnim pitanjima političke elite SDA i HDZ učvršćuju svoju moć i privilegije. Javno su za jedinstven Mostar, a tajno sve rade da to onemoguće. Već deset godina ne mogu ili neće da se dogovore o načinu implementacije odluke Ustavnog suda o gradu Mostaru.“

PRLIĆ: „*Gradani Mostara su u posljednje četiri godine taoci odnosa SDA i HDZ, te nemaju priliku izraziti svoje demokratsko pravo, a to je izbor svojih lokalnih zvaničnika na izborima.*“

Kada to ponude građanske stranke SDP i DF onda se umjesto razgovora o ponuđenim rješenjima vrši apriorna diskvalifikacija ovih stranaka. A upravo zbog jalovih dogovora SDA i HDZ građani Mostara mogu i ovaj put ostati bez izbora. Prijedlog SDA da se suštinski grad podijeli na dvije etničke teritorije, bošnjačku i hrvatsku, i sa prividnom, kozmetičkom Gradskom upravom je sramotan i diskriminirajući prema Mostarcima srpske nacionalnosti, kao i drugim građanima. HDZ javno odbija ovaj prijedlog sa obrazloženjem da oni nisu za podjelu Mostara već za jedinstven grad. Kako misle organizovati jedinstven grad još se ne zna“, navodi Lazović.

Ostalo je manje od dva mjeseca da se rješenja provedu kroz zakonske procedure kako bi Mostar na jesen imao izbore kao i svi ostali gradovi u BiH, nakon osam godina.

Damir Mašić, politički direktor SDP BiH, smatra da će se u narednim danima probuditi čitavo građanstvo i probosanske snage, jer se sada u Mostaru vodi odbrana države.

„Situacija je i više nego ozbiljna. Ja se iskreno nadam da ćemo mi u SDP-u, kao i kolege u DF-u, i svako onaj ko racionalno razmišlja, imati dovoljno smjelosti i hrabrosti da se svim raspoloživim demokratskim sredstvima zaustavi jedan ovakav scenario. Apsudrno je da stranka koja hoće de facto etnički podjeliti Mostar, a to je SDA, optužuje SDP i DF o nekakvim podjelama Mostara. Samo je pitanje dana kada će HDZ prihvati prijedlog SDA, a u suštini to je HDZ-ov prijedlog, i iznijeti ga kao kompromisno i prihvatljivo rješenje, koji je, navodno dobar za sve. Međutim, ovdje imamo i problem konstitutivnosti jer njihov prijedlog uopće ne predviđa i ne uključuje srpski narod, i ovo nije podjela između Bošnjaka i Hrvata nego podjela između SDA i HDZ“, navodi Mašić.

Predsjednik Glavnog odbora SDP-a BiH Saša Magazinović smatra kako su SDP BiH i DF predložili rješenje koje grad na Neretvi čini jedinstvenim gradom.

„Napravili smo iskorak i pokazali odgovornost. To rješenje su predložili Mostarci. Smatramo da je krajnje vrijeme da se prekine praksa u kojoj se o sudbini bh. gradova odlučuje u Sarajevu ili Banjaluci. Sudbina Mostara je usko vezana za sudbinu FBiH i BiH. Nažalost, ne vidimo spremnost da mnogi prihvate da Mostar i u praksi bude jedinstven grad. Imamo informacije da SDA i HDZ BiH pripremaju drugačije rješenje, koje će Mostar činiti jedinstvenim gradom samo na autokarti, dok bi u suštini to bio grad podijeljen na više opština koje bi bile etnički podjeljene. To ne smijemo dozvoliti, ne samo u Mostaru nego i u BiH“, naglasio je Magazinović.



Kampanja "Skinimo okove" je samo politička obmana

Povodom početka kampanje „Skinimo okove“, što je, ustvari, promocija slogan koji ukazuje na šansu za ekonomski-socijalni oporavak BiH kroz provedbu ekonomskih reformi iz Reformske agende, Segmedina Srna-Bajramović, delegatkinja SDP BiH u Domu naroda, uputila je pitanje u Domu naroda, u kojem traži objašnjenje ko stoji iza ove kampanje.

„S obzirom da je u toku promotivna aktivnost pod simboličnim nazivom "Skinimo okove", koja očigledno ima za cilj afirmaciju očekivanih benefita Reformske agende, od kojih smo miljama daleko, moram priznati kako je sama kampanja, najblaže rečeno, osmisljena kao još jedna politička obmana, valjda s namjerom ublažavanja negativnih reakcija javnosti uoči lokalnih izbora za stranke vladajuće koalicije. Namjera naručioca iste je očigledno da proizvede osjećaj dodatnog strpljenja kod građana za neefikasnost sistema potaknuto nadom u bolje sutra, što su u ovoj zemlji građani apsolvirali bar milion puta. Cjelokupan promotivni model predstavlja, blago rečeno, licemjernu političku prevaru, pogotovo kad dolazi od onih koji su Reformsku agendu napisali u 17 verzija, bez da su je građani i vidjeli. Činjenica je da smo došli na tako nizak nivo da promoviramo i namjeru bez rezultata, pa stoga postavljam pitanje ko je naručilac kampanje, te koliko ista košta, iz kojih izvora se finansira i kako je odabrana marketinška agencija koja ju provodi?“

Također, tražim od Vlade odgovor na pitanje je li tačno da je Vlada poslala molbu prema ambasadama pojedinih zemalja da finansiraju ovu kampanju? Ako jeste, zašto o tome nije upoznala javnost i Parlament FBiH?

Da li je i na koji način uređen odnos Vlade i tih ambasada u vezi sa ovom kampanjom, odnosno kakve obaveze je Vlada preuzeila u tom odnosu bez da je o tome makar informisala Parlament, a da ne govorim da je o tome trebala dobiti dozvolu Parlamenta da se upusti u neki takav aranžman, pogotovo ako uzmem u obzir da je ugovorni odnos sa bilo kojom ambasadom u praksi prije svega odnos dvije države“, navodi u svom pitanju Srna-Bajramović.

Vladajuća koalicija je nestabilna, SDP ostaje opozicija



je bilo suzdržano.

SDP BiH jedna je od političkih stranaka koja je podržala izmjene Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti. Damir Mašić smatra kako podržavanje ovog Zakona ne znači kako je SDP u koaliciji sa vladajućim strankama, dodajući da će SDP podržati sve ono što valja. Podsetio je i da je Zastupnički dom Parlamenta FBiH usvojio amandman SDP-a na izmjene predloženog zakona.

„Ne pada nam napamet da nekima popunjavamo rupe i stvaramo privid stabilnosti. Ovdje nema ni 's' od stabilnosti. SDP BiH ostaje opozicija“, rekao je Mašić.

Razgovor s građanima o razvoju grada

Gradska organizacija SDP BiH Mostar je nedavno održala tribinu na kojoj su sa građanima Mostara razgovarali o njihovim viđenjima i prijedlozima za razvoj grada i njegove infrastrukture. Građane je, također, zanimala aktuelna politička situacija oko izbora u Mostaru i stavovi SDP BiH po tom pitanju.

SDP BiH je ovom tribinom otvorio ciklus razgovora

sa građanima, kako bi zajednički formirali izborne politike za lokalne izbore i kako bi Program SDP BiH za Mostar bio iskaz volje i potrebe Mostara. SDP Mostar želi sa građanima kreirati politike jer ih sa građanima misli i provoditi. Na ovaj način SDP BiH je još jednom pokazao da je partija koja vodi računa o ljudima i koja zajedno sa njima misli kreirati i provoditi rješenja.




SVAKI DAN SE U SOCIJALDEMOKRATSU PARTIJU BIH UČLANI NOVIH 19 ČLANOVA

Socijaldemokratska partija je početkom 2015. godine počela sa procesom reevidencije svog članstva, u sklopu priprema za unutarpartijske izbore po sistemu "Jedan član-jedan glas".

Proces reevidencije je završen krajem marta 2015. godine, kada je broj reevidentiranih članova iznosi 27.000 članova. Tada je uveden i novi program za bolje vođenje evidencije članstva pod nazivom "Atlas", kao i nove elektronske članske kartice.

Od marta prošle godine, izuzimajući periode u kojima se reevidencija nije vodila zbog unutarpartijskih izbora za predsjednike opštinskih i kantonalnih/regionalnih predsjednika, kao i izbora za predsjednika SDP BiH, pa sve do početka marta 2016. godine, broj članova je porastao za 7.000 novih članova, odnosno za 26 posto. Tako danas SDP BiH broji 34.000 članova, što znači da se svaki dan porodici Socijaldemokratske partije pridruži novih 19 članova.

Pozivamo građane BiH da se i dalje pridružuju našoj partiji, kako bi svi zajedno nastavili borbu za slobodu, jednakost i solidarnost!



**+ 7.000
NOVIH ČLANOVA**



Jačanje unutarpartijske strukture

Savjet za razvoj Socijaldemokratske partije (SDP) BiH je na konstituirajućoj sjednici, razmatrao aktivnosti na edukaciji članstva o Programu SDP-a BiH, koji je usvojen na šestom Kongresu ove partije. Predsjednik Savjeta za razvoj SDP-a Karlo Filipović je kazao da je razmatran Program rada Savjeta u 2016. godini. Najavio je da će u sljedećem kvartalu tema trebala biti „Izborna platforma SDP-a za lokalne izbore u BiH 2016. godine“. Nakon toga, Savjet će obaviti raspravu o temi „jačanje unutarpartijske strukture SDP-a BiH“, zatim „političke polemike i izborna kampanja“, a nakon općinskih izbora Savjet će razmatrati i temu „uloga SDP-a BiH u borbi protiv političkih i nacionalističkih strategija i ideologija usmjerenih protiv vrijednosti antifašističke borbe naroda i narodnosti BiH“. Posljednja tema koja je planirana u ovoj godini je etika i politika.

„Na sjednici Savjeta, u okviru rasprave o programu, bilo je i prijedloga novih tema, tako da će ovaj prijedlog programa sigurno biti dopunjeno novim temama“, kazao je Filipović.

Započeo proces kandidiranja za lokalne izbore

Socijaldemokratska partija BiH, u sklopu predstojećih lokalnih izbora, obavještava sve članove da je započeo proces samokandidovanja, odnosno proces kandidovanja ostalih članova SDP BiH. Svaki član SDP BiH, koji je izmijrio članarinu, imat će pravo da se samokandiduje za predstojeće izbore. Članovi imaju pravo da se kandiduju za načelnika, odnosno, gradonačelnika, u zavisnosti od općine/opštine ili grada, te se mogu kandidovati i za poziciju općinskog/opštinskog i gradskog vijećnika, odnosno, odbornika. Ukoliko se članovi ne žele samokandidovati, imaju mogućnost kandidovanja dva kandidata za načelnike, odnosno, gradonačelnike, te pet kandidata za općinska/opštinska vijeća i skupštine.

Predsjedništvo Socijaldemokratske partije BiH osudilo je davanje naziva Studentskom domu na Palama po Radovanu Karadžiću, optuženiku za ratne zločine, što predstavlja još jednu u nizu provokacija rukovodstva manjeg bh. entiteta na čelu sa njegovim predsjednikom Miloradom Dodikom. Članovi Predsjedništva su zaključili da ovaj potez predstavlja smisljeno skretanje pažnje sa skorašnjeg donošenja presude Radovanu Karadžiću za djela koja je optužen tokom agresije na Bosnu i Hercegovinu, među kojima je i najteži zločin genocida.



Ekonomija važnija od etničkih podjela

Švedska ministrica za srednjoškolsko i obrazovanje odraslih Aida Hadžalić, u sklopu svoje zvanične posjete BiH, susrela se sa delegacijom Socijaldemokratske partije Bosne i Hercegovine koju su činili predsjednik Nermin Nikšić, predsjednik Glavnog odbora Saša Magazinović i politički direktor Damir Mašić.

Tema razgovora bilo je razmatranje aktuelne političke situacije u Bosni i Hercegovini, puta naše države ka Europskoj uniji te aktivnostima SDP BiH. Predsjednik Nikšić je na sastanku ocijenio da je trenutna politička situacija u našoj zemlji izuzetno nepovoljna, jer je očigledno da vladajuće stranke nemaju dovoljno kapaciteta ni volje da sprovedu bitne reforme za našu zemlju i njen put prema Europskoj uniji. Cilj vladajuće koalicije, na osnovu potresa koje vuku, očito je razgradnja i podjela države

po etničkim principima.

Ministrica Hadžalić navela je da je svrha njene posjete da ekonomski poveže Švedsku i našu zemlju. Smatra da su za Bosnu i Hercegovinu i njene građane važnija ekonomска pitanja od etničkih podjela. Navela je da treba više ulagati u privatni sektor, infrastrukturu, ekonomiju, a smanjiti troškove u administraciji.

Na sastanku je naglašeno da će SDP BiH, u svom opozicionom djelovanju i sa svim raspoloživim kapacitetima, nastaviti raditi u interesu svih njenih građana. SDP BiH je opredijeljen za europski put Bosne i Hercegovine, ali smatra da je potrebno da EU intenzivira svoj pristup prema Bosni i Hercegovini, te ubrza proces pridruživanja naše zemlje europskoj porodici.

Vladajuća koalicija je slagala građane da je mehanizam koordinacije usaglašen



Osim toga, na ovaj način šalje se i jasna poruka prednicima drugih bh. naroda, kao i svim antifašistima, da su nepoželjni u dijelu države u kojoj glavni riječ vodi Milorad Dodik, koji je, otkrivanjem ploče

sa imenom optuženog ratnog zločinca, faktički, potvrđio da je entitet RS genocidna tvorevina.

Na sjednici je bilo riječi i o ponovnom pregovaranju o mehanizmu koordinacije od strane vladajuće koalicije na državnom nivou, što je jasan dokaz da su stranke vladajuće koalicije svjesnoлаге bh. građane tvrdnjama da su sa mehanizmom koordinacije saglasne sve državne, entitetske i ostale institucije, te da je mehanizam usvojen.

Time su u pitanje doveli kredibilnost aplikacije BiH za članstvom u Evropskoj uniji, a stvari se mogu dodatno pogrošati i činjenicom da još nema naznaka o tome da li će i kada biti objavljeni rezultati popisa, što može dovesti do toga da je 50 miliona KM novca bh. građana potrošeno uzalud.



GLAVNI ODBOR SDP BIH

Na sceni je razgradnja državnih institucija

Članovi Glavnog odbora Socijaldemokratske partije BiH su na početku sjednice pozdravili oslobođanje od svih optužbi Ilije Jurišića, koji je pravosnažnom presudom Apelacijskog suda u Beogradu dokazao svoju potpunu nevinost u slučaju Tuzlanska kolona, čime je jasno dokazano da je časno i poštено branio Tuzlu i BiH. Na sjednici Glavnog odbora je zaključeno da se politička situacija u Bosni i Hercegovini dodatno usložila i da nema naznaka da će se ovakva situacija u dogledno vrijeme popraviti.

Dokaz tome je da Vijeće ministara BiH još ne radi u punom kapacitetu, dok se na entitetskim nivoima nastavlja samovolja Vlade FBiH prilikom donošenja zakona bitnih za građane, a u Republici Srpskoj se nastavlja bjesomučni rat vlasti i opozicije, zbog kojeg najviše trpe građani ovog entiteta.

Osuđeno je usvajanje mehanizma koordinacije, čijim su usvajanjem od strane Vijeća ministara BiH kantoni i entiteti dobili svoj međunarodno – pravni subjektivitet. Ovom odlukom proces pregovaranja sa EU podijeljen je između države, entiteta, Brčko Distrikta i svih kantona u FBiH, koji sada imaju jednaka prava u tom procesu.

Proces razgradnje državnih institucija se nastavlja i sa prijedlogom novog Zakona o sudovima BiH, u kojem se planira osnivanje Višeg suda BiH. SDA je svjesno ovaj proces prepustila u ruke HDZ-u i SNSD-u, a javnosti se pokušava podvaliti kao veliki uspjeh formiranje Višeg suda, iako se tu radi o cistom fizičkom izdvajaju postoećeg Apelacionog odjeljenja Suda BiH u posebnu instituciju. Time SDA, HDZ i SNSD žele zaustaviti osnivanje Vrhovnog suda BiH, koji bi bio garant jednakosti prava svih građana BiH. Članovi Glavnog odbora su pozdravili odluku Ustavnog suda FBiH o proglašenju neustavnim Zakona o radu FBiH, čime je ovaj Zakon stavljen van snage, dok je odluka donesena i na osnovu inicijative delegata SDP BiH u federalnom Domu naroda. Na sjednici je još jednom upućen poziv Vladi FBiH da u ponovljenoj proceduri usvajanja Zakona o radu ispoštuje elementarnu demokratsku proceduru i prihvati amandmane SDP-a na ovaj Zakon, koji, prilikom njegovog usvajanja, nisu ni razmatrani od strane Vlade FBiH. U protivnom, SDP opet neće dati podršku novom Zakonu o radu FBiH.



SDP
40% MLADIH
KANDIDATA NA
IZBORNIM LISTAMA!



Šansa za mlade

Na posljednjoj sjednici Glavnog odbora SDP BiH usvojen je Pravilnik o kandidovanju na lokalnim izborima 2016. godine kojim je, između ostalog, predviđeno da na listama za lokalne izbore mora biti zastupljeno minimalno 40 posto mlađih, što je bila jedna od inicijativa Foruma mlađih SDP BiH.

„Jedna trećina članstva SDP BiH su mlađi, koji su velikim dijelom nosioci procesa i jedan od glavnih stubova partije. Obzirom na ovu ulogu mlađih u SDP-u, bilo je potrebno obezbeđiti veću zastupljenost na listama, kako bi se mlađima pružila prilika da ne budu „irgeti“ politike već sudionici. U ovoj inicijativi veliku ulogu imao je predsjednik SDP BiH Nermin Nikšić, koji je bio jedan od njenih inicijatora.

Drago mi je da smo naišli na razumijevanje starijih kolega, te da smo uspjeli u nastojanju da minimum 40 posto zastupljenosti mlađih bude na listama. Mlađi mogu mijenjati stvari na bolje, jer su manje opterećeni “bolestim” današnjeg vremena, mlađi su pokretačka snaga, inovativni, željni rada i uspjeha, te zašto im ne pružiti priliku!? Lokalni izbori su prilika za mlađe ljudе vrata za ulazak u politički svijet“, rekao je Damir Filipović, predsjednik FOM SDP BiH.

U Tesliću održano Strateško planiranje

Pod pokroviteljstvom Laburističke partije Velike Britanije, u Tesliću je održano prvo od planirana tri strateška planiranja Socijaldemokratske partije Bosne i Hercegovine za 2016. godinu, kojem je prisustvovalo dvije stotine članova iz cijele BiH. Prvog radnog dana govorilo se o planu rada SDP-a u 2016. godini, odnosno o procesu izrade lokalnih izbornih programa i javnih politika, dok je drugi dan bio rezervisan za rad u grupama po lokalnim organizacijama.





SREDNJOBOSANSKI KANTON

Ne smije doći do umanjenja već ostvarenih boračkih prava!

Klub zastupnika SDP-a u Skupštini Srednjobosanskog kantona nedavno je uložio nekoliko amandmana na izmjene i dopune Prijedloga Zakona o dopunskim pravima boraca, koji je usvojila Skupština toga kantona.

„Amandmani kojima smo tražili da stečena prava branilaca ostanu ista, nisu prihvaćeni. To je bio razlog zašto su zastupnici SDP-a glasali protiv izmjena i dopuna ovog Zakona“, saopćeno je iz Kluba zastupnika SDP-a, koji smatraju da ne smije doći do umanjenja već ostvarenih prava boračke populacije.

„Prema predloženim izmjenama Zakona, to se upravo čini. Općine svojim propisima utvrđuju uvjete, način i postupak ostvarivanja određenih prava, što će dovesti do toga da se boračka prava umanjuju i razlikuju od općine do općine“, navode u Klubu.

Zastupnici SDP-a u Skupštini SBK-a pozvali su predstavnike Kantonalne uprave za pitanja branilaca i Vladu SBK-a da osiguraju ostvarivanje postojećih prava u punom kapitetu, kako je to definirano Zakonom o dopunskim pravima boraca SBK-a.

Traže, također, da se što prije pokrene inicijativa za izmjene i dopune ovog zakona, s ciljem da se na snagu vrate boračka prava, koja su ukinuta.



SARAJEVSKI KANTON

Tražimo poštivanje prava na lokalnu samoupravu

Općinsko vijeće Stari Grad Sarajevo usvojilo je Rezoluciju o pravu na lokalnu samoupravu. Općine Stari Grad Sarajevo čiji je predlagač bio vijećnik SDP-a Irfan Čengić. Rezolucija ima za cilj da podstakne Kanton Sarajevo da konačno doneše Zakon o lokalnoj samoupravi kojim bi regulisao odnose između Kantona, Grada i Općina.

„Federalni Zakon o lokalnoj samoupravi je donesen 2006. godine, iste godine je Kanton morao donijeti svoj zakon, ali to nije učinjeno. Poredjena radi, kada je donesen federalni Zakon o platama Kanton je donio svoj Zakon u roku od tri mjeseca, jer su tako sebi povećali plate“, naglašava Čengić.

Kanton Sarajevo je preuzeo mnoge nadležnosti općina i Grada, te je Ustavni sud FBiH po mnogim pitanjima utvrdio da je pravo na lokalnu samoupravu općina u sastavu Kantona narušeno, te da je Kanton dužan vratiti nadležnosti lokalnim samoupravama. Osim problema zbog pravnih ne-suglasica, općine trpe i znatnu finansijsku štetu.

„Kada Dodik ne provodi odluku Ustavnog suda svi pišu o tome, a ovdje imamo slučaj da Kanton 10 godina odbija vratiti nadležnosti općinama i svi šute. Djeca nam umiru na igralištima, jer se ne zna ko je nadležan da ih održava, Grad Sarajevo je sveden na protokolarni nivo vlasti, djeca u osnovnim školama nemaju adekvatne prostorije za rad, a u vrtićima ih truju dobavljači hrane. Pitanje nadležnosti više nije trivijalno, uzima najveći danak i košta nas ljudskih života“, upozorava Čengić.

Prema njegovim riječima, ovom rezolucijom ne žele pronalaziti krivca zašto se 10 godina ništa nije učinilo, već podstaknuti da kantonalne vlasti i predstavnici lokalnih samouprava zajednički dođu do teksta Zakona o lokalnoj samoupravi, koji će doprinijeti boljem kvalitetu života u Sarajevu.



HERCEGOVACKO-NERETVANSKI KANTON

Krajnje je vrijeme da Srbi i srpski jezik uđu u Ustav HNK

Kantonalni odbor SDP BiH Hercegovačko-neretvanskog kantona predstavio je javnosti amandmane koje je uputio u skupštinsku proceduru, a kojima bi se trebalo uskladiti Ustav HNK s aodlukom Ustavnog suda BiH o konstitutivnosti naroda na cijelom teritoriju Bosne i Hercegovine.

Prema riječima predsjednika KO SDP HNK Zorana Mikulića, krajnje je vrijeme da se Ustav HNK uskladi sa Ustavom Federacije BiH te da se priča o konstitutivnosti i ravnopravnosti naroda u HNK i formalno-pravno završi.

SDP BiH u svojim amandmanima predlaže da se srpski narod, kao i srpski jezik i cirilično pismo, ugraditi u Ustav HNK i izjednači s druga dva konstitutivna naroda i jezika.

Također, predlaže se da se pri upošljavanju u javni ustanovama i institucijama, kao i pri formiranju vlasti te odlučivanju u institucijama vlasti vodi računa o ravnopravnosti tri konstitutivna naroda i predstavnika ostalih.

„Definirali smo i pitanje vitalnog nacionalnog interesa i sud koji odlučuje o tim pitanjima, budući da do sada nisu bili tačno precizirani osnovni pojmovi zbog kojih bi se pokrenuo taj vitalni interes, niti su pitanje vitalnog nacionalnog interesa mogli pokrenuti predstavnici srpskog naroda, kao ni predstavnici ostalih“, istaknuo je Mikulić.

Predsjednik Kluba zastupnika SDP-a BiH u Skupštini HNK-a Amer Zagorčić podsjetio je da je SDP dugi niz godina pokretao razne inicijative vezane za pitanje konstitutivnosti naroda, a sada su se stekli određeni uslovi da se amandmani upute u Skupštinu HNK.

„Naše inicijative nisu padale na plodno tlo jer se nije mogla skupiti potrebna dvotrećinska većina za izmjenu Ustava. Sada je vrijeme sazrelo i ovo pitanje mora biti tretirano. Građani srpske nacionalnosti i ostali moraju naći svoje mjesto u Ustavu HNK, ravnopravno sa svim ostalim građanima“, kazao je Zagorčić.

Potpredsjednica KO SDP BiH HNK Vesna Saradžić kazala je kako je, po zaprimanju amandmana, Skupština HNK dužna u roku od 15 dana zakazati sjednicu i očitovati se o njima.

„Kada se povede priča o ovoj problematici, onda dobijem odgovor kako je i de facto i de jure sve u redu u ovom kantonu, bez obzira što Ustav nije uskladen s Ustavom Federacije BiH. Ako je i de facto i de jure sve uredu, onda se postavlja pitanje kome smeta ta tehnička intervencija?“, zaključila je Saradžić.



BRČKO DISTRIKT


Do kraja godine SDP će u Brčkom imati 2.000 članova

U Organizaciji SDP BiH Brčko distrikta BiH je do sada reevidentirano oko 1.600 članova, a očekuje se da da ovaj broj do kraja 2016.godine bude viši od 2.000.

Posebno raduje činjenica da je među reevidentiranim članovima veliki broj mladih, žena kao i pripadnika svih konstitutivnih naroda.

Osnovne organizacije SDP BiH Brčko distrikta BiH koje imaju najveći broj reevidentiranih članova su: Brka, Broduša, Dizdaruša...

„Ovim putem, još jednom, pozivamo sve članove koji se do sada nisu reevidentirali da to učine jer nas očekuju složeni zadaci u budućem periodu, kao i lokalni izbori u oktobru“, navode iz DO SDP Brčko.



REGIJA DOBOJ

Obuka mladih za izradu projekata

Regionalni odbor SDP BiH Dobojski, u saradnji sa Regionalnim odborom Forum mladih SDP Dobojski, organizovao obuku za izradu projekata za mlade SDP-a sa područja ove regije. Održan je prvi od četiri modula na kojem će 15 mladih, iz Doboja i Teslića, imati mogućnost da od vrhunskih stručnjaka besplatno nauče kako pisati projekte i na taj način aktivno se uključe u razvoj svoje lokalne zajednice.

„Da li će aktivnosti koje se trenutno vode oko približavanja naše zemlje Evropskoj Uniji otvoriti vrata preostalim IPA fondovima, koje još uvijek ne možemo koristiti, ne znamo, ali želimo da osposobimo mlade ljudi koji će spremno dočekati taj napredak BiH i da preko kvalitetnih projekata pomognemo našoj Regiji“, rekli su iz RO SDP BiH Dobojski.



UNSKO-SANSKI KANTON

Novih 120 radnih mesta u Ključu

Nakon date saglasnosti Vlade Unsko-sanskog kantona i upravljačkih struktura preduzeća Sanotaf Ključ, između preduzeća Sanotaf i Društva za konsulting i upravljanje Athabasca Investment Sarajevo, koje je članica grupacije ASA PREVENT, potpisani je ugovor o zakupu nekretnine koja se nalazi u Ključu.

„U proteklom periodu vođene su intenzivne aktivnosti u cilju stvaranja uvjeta za investiranje u Općinu Ključ od strane ASA PREVENT grupacije, koja je najveći izvoznik iz BiH u ovom trenutku i trenutno zapošljava više od 6.000 ljudi. Kako je ovo jedno veoma vrijedno ulaganje u općinu Ključ, te otvara mogućnost zapošljavanja naših sugrađana, podržavamo ovaj veliki i veoma

vrijedan projekt i stavljajmo se na raspolaganje investitorima iz ASA PREVENT grupacije za svu podršku i pomoć koja im bude potrebna u procesu pokretanja rada fabrike za proizvodnju namještaja“, rekao je načelnik Općine Ključ Nedžad Zukanović.

U fabrici se očekuje zapošljavanje 120 radnika, a u narednih nekoliko mjeseci će se pokrenuti obuka radnika, te nakon toga i stalno zapošljavanje na lokaciji Sanotaf.

Takođe je istaknuto da će u narednom periodu na području Općine Ključ doći do značajnog zapošljavanja i da će u predstojećim mjesecima ova aktivnost rezultirati promjenom ekonomskog stanja u Ključu.

SDP BiH Konjic održao Strateško planiranje



HERCEGOVACKO-NERETVANSKI KANTON

U Konjicu je, u organizaciji lokalne opštinske organizacije SDP BiH, održano Strateško planiranje u okviru priprema za lokalne izbore 2016. godine. Učešće u izradi Nacrta izbornog programa za Lokalne izbore uzelo je više od 80 članova konjičkog SDP-a.

Strateškom planiranju su kao gosti prisustvovali predsjednik SDP BiH Nermin Nikšić, predsjednik KO SDP BiH HNK Zoran Mikulić, kao i predsjednik OO SDP Jablanica Damir Šabanović. SDP trenutno u Općinskom vijeću Konjica ima šest vijećnika, a izborni cilj je povećati broj vijećnika.



TUZLANSKI KANTON

Edis Dervišagić ponovo kandidat za načelnika Gradačca

Aktuelni načelnik Gradačca, Edis Dervišagić biće kandidat SDP BiH za načelnika i na lokalnim izborima 2016. godine, potvrđeno je to na šestoj redovnoj sjednici OO SDP BiH Gradačac, nakon što je Dervišagić jednoglasno predložen u svih 30 osnovnih organizacija SDP Gradačac.

Podsjetimo, Edis Dervišagić na poziciju načelnika Gradačca izabran je 2012. nakon čega kreće ubrzani razvoj infrastrukture ove opštine. Gradačac je pod vodstvom Dervišagića postao svojevrsna privredna oaza, pozicioniravši se među prvih pet opština po izvozu u Federaciji BiH.

Administracija Edisa Dervišagića u fokus svog mandata stavila je rekonstrukciju vodovodne sekundarne mreže u centru grada kao i nabavku dodatnih prečišćivača, a što ujedno predstavlja i najveći projekat u novijoj historiji ove opštine. Edis Dervišagić takođe obnaša funkciju člana Predsedništva KO SDP Tuzla i člana Glavnog odbora SDP Bosne i Hercegovine.



SARAJEVSKI KANTON

Prihvaćena inicijativa o imenovanju parka po Kemalu Montenu

Na inicijativu aktivista SDP-a, koji participiraju u radu Savjeta MZ Park-Višnjik u sarajevskoj Općini Centar, kojim rukovodi Amar Ibrulj, pokrenuta je inicijativa o imenovanju jednog parka u ovoj mjesnoj zajednici po istaknutom sarajevskom umjetniku i članu SDP-a, Kemalu Montenu. Nadležna općinska Komisija za javna priznanja i obilježavanje istaknutih datuma i ličnosti, uputila je ovu inicijativu prema građanima Mjesne zajednice Park-Višnjik, koji su je na posebnom Zboru građana jednoglasno podržali. Očekuje se kako će inicijativa naići i na pozitivan stav Općinskog vijeća Centar, nakon čega bi se ona uputila Skupštini Kantona Sarajevo na konačno izjašnjanje.

NAŠ ODGOVOR

Predsjednik Nermin Nikšić zajedno sa rukovodstvom partije je u proteklom periodu obišao gradove i općine širom BiH gdje je sa članovima, simpatizerima i građanima diskutovao o aktuelnoj političkoj situaciji u BiH i odgovarao na sva pitanja koja su bila postavljena.

Nama u SDP-u je stalo do mišljenja građana i naših članova zbog čega održavamo stalnu komunikaciju.

U toku je izrada Programa za svaku lokalnu zajednicu u kojoj će SDP BiH imati svoje kandidate.

Uskoro će se građanima predstaviti naša vizija gradova i općina u BiH kao i program razvoja za svaku od tih lokalnih sredina.

#nasodgovor





SREBRENICA



GORAŽDE



ZVORNIK



VUKOSAVLJE



VOGOŠĆA



ODŽAK



BIHAĆ



KLJUČ



LUKAVAC



BOSANSKA KRUPA



KONJIC



TRAVNIK

ONAŠ
ODGOVOR



TUZLANSKI KANTON

Prestati sa diskriminacijom Tuzle i njenih građana

Gradski odbor SDP BiH Tuzla poziva kantonalnu i federalnu vlast koju čine SDA, SBB i HDZ da prestanu sa ponižavanjem i uništavanjem Grada Tuzle i njenih građana. Kontinuirano je Grad Tuzla izložen diskriminaciji od strane viših nivoa vlasti na razne načine.

„Prije svega, raspodjela javnih prihoda, gdje smo značajno zakinuti u odnosu na Sarajevo i druge gradove, zatim naknade za zagađenje prema rješenjima ekološkog fonda, gdje recimo Kakanj po tim rješenjima dobije više naknade nego Tuzla, iako TE Tuzla proizvodi duplo više struje u odnosu TE Kakanj. Zakon koji je napokon donesen za naknadu po osnovu rada termoelektrana također je diskriminirajući, jer Grad Tuzla dobije šest puta manje nego gradovi u Hercegovini, koji tu naknadu ostvaruju za devastaciju hidroakumulacijom koja nije ni blizu štetna i opasna kao zagađenje od TE Tuzla. Apsurdno je da se za zimsko posipanje puteva u Federaciji BiH koristi sol iz Egipta, a da nikako ne može Tuzlanska sol, valjda samo zato što je iz Tuzle. Ima takvih primjera još mnogo, ali kap koja je prelila čašu je posljednji pokušaj diskriminacije i ponižavanja Tuzle i Tuzlaka, a to je izbacivanje iz zakona 15. maja kao značajnog datuma za Tuzlanski kanton. To pokazuje kakav odnos imaju vladajući SDA i SBB u TK prema našem gradu. Tuzla i Tuzlaci to neće dozvoliti“, navodi se u saopštenju GO SDP Tuzla.



Edukacija kandidata u javnim nastupima

U prostorijama Gradskog odbora SDP BiH Mostar održan je sastanak sa predstavnicima NDI i Sonjom Lokar, povodom predstavljanja projekta Edukacija kandidata/kinja – javni nastupi i odnosi s medijima, koji je nastao kao rezultat treninga koji je NDI organizovao na Vlašiću u decembru prošle godine, a kojem je prisustvovala članica GO SDP Mostar Emilia Čorić.

Edukaciji bi prisustvovali mladi i žene koji će se po prvi put naći na listama, a sastoje se od dva modula. Glavni cilj projekta je naučiti kandidate/kinje kako što bolje prezentovati ideju za koju se zalažu ili rješenje za problem iz njihove lokalne zajednice. Svaki od učesnika bi dobio mentora koji bi im u toku i nakon završetka edukacije pomagao oko pripreme javnih nastupa. Mentorji bi bili stariji i iskusniji drugovi i drugarice.

Planirano je da se ove godine edukacije održe na novou Hercegovačko-neretvanskog kanalna, ali da se u idućim godinama prošire na područje čitave BiH.

SDA slavi pobjedu Osmanske vojske na Galipolu

Općinska organizacija SDP BiH Sanski Most smatra da je sramotno je da lokalna SDA u Sankom Mostu odaje više pažnje i resursa obilježavanju pomenute bitke, nego obilježavanju i proslavi Dana državnosti BIH, pa je 18. marta u Sanskom Mostu, blokirana glavna ulica i istom su se vijorile turske zastave, zbog proslave pomenute bitke.

„Čovjek bi možda mogao i razumjeti ovakav, vazalski i nepristojan, odnos prema turskim vlastima ili da su u pitanju neka velika ulaganja u Sanski Most od strane vlade Republike Turske. Nažalost, moramo reći da je jedini uspješno realizovani projekat u Sanskom Mostu u režiji SDA i saradnji sa „biznismenom“ turske nacionalnosti, sasijecanje najvećeg privrednog giganta u Sanskom Mostu - DI“ŠIP Sana“, koji je zapošljavao nekoliko hiljada radnika i koji je u ratu bio potpuno netaknut i spreman za proizvodnju. SDA, zajedno sa turskim „biznismenom“ i naravno sa tadašnjom Agencijom za privatizaciju USK, sasjekli su u komade milionski vrijednu opremu i mašine za proizvodnju i prodali u staro željezo. Smatramo da Sanski Most i njegovi zvanični-



UNSKO-SANSKI KANTON

ci trebaju slaviti i proslavljati sve što je probosansko, a ne okupatorsko. Podsjecamo gospodu da je u Sanskom Mostu održano Drugo zasjedanje ZAVNOBiH-a, koje nikada nisu obilježili ni na približan način. Frapantno je da je lokalno vlasti ZAVNOBiH, koji je udario temelje teritorijalnom integritetu BiH i donio deklaraciju o građanskim pravima, manje važan od bitaka koje su se odvijale hiljadama kilometara od BiH. Na kraju, pitamo se kada će zvaničnici u Sanskom Most početi baštiniti pozitivne kulturno-historijske iskorake u kojima se narod ujedinjavao, zblžavao i solidarisao, a ne proslavljati bitke u kojima se ginulo. Ako vi, gospodo iz SDA, mislite da imate drugu državu, mi je nemamo, niti želimo imati“, navodi se u saopštenju OO SDP BiH Sanski Most.



Pored radnog sjednica je imala i svečani karakter. Općinski odbor SDP BiH Živinice dao je saglasnost i jednoglasno donio Odluku da se u skladu sa pristiglim pristupnicama u članstvo SDP BiH primi 300 dosadašnjih članova Narodne stranke radom za boljitet prešlo u SDP BiH

Osim što je općinska organizacija SDP BiH Živinice bogatija za 300 novih članova, neophodno je istaći da su među novoprimaljenim članovima predsjednik općinske organizacije NSRZB Živinice i poslanik u Skupštini Tuzlanskog kantona doktor Samir Kamenjaković i dva vijećnika u Općinskom vijeću Živinice Eldis Bajrić i Alija Hodžić. Evidentno je da u posljednje vrijeme sve veći broj građana podnosi zahtev za prijem u članstvo SDP BiH čime se nastavlja trend jačanja Općinske organizacije SDP BiH Živinice.

SARAJEVSKI KANTON

Smjenom Marija Drmaća kantonalna Vlada od Sarajeva pravi kasabu

Kantonalni odbor Socijaldemokratske partije BiH Sarajevo najoštrije osuđuje smjenu Marija Drmaća sa mesta vršioca društvenosti direktora Pozorišta mladih i poziva Vladu Kantona Sarajevo i ministra kulture i sporta Mirvada Kurića da preispitaju ovu odluku i barem jednim potezom pokažu da Sarajevo smatraju evropskim Gradom, a ne kasabom.

Iako je Mario Drmać funkciju vršioca dužnosti direktora Pozorišta mladih Sarajevo obavljao kratko, za to vrijeme je, kroz profesionalan rad, ostvario izvrsne rezultate i nakon dugo vremena repertoarski, ali i u svakom drugom smislu, oživio, ne samo Pozorište mladih, nego i teatarsku scenu u glavnom gradu BiH.

Pod njegovom palicom u Pozorištu mladih Sarajevo je odigrano 26 predstava, a samo u decembru 2015. godine je kroz pozorište prošlo 6.000 posjetilaca. Zajedno sa Akademijom scenskih umjetnosti Sarajevo, Pozorište mladih je dalo šansu mladim glumcima da dođu pod pozorišno svjetlo i pokažu šta znaju.

S obzirom na pomenute rezultate, bilo je za očekivati da će Mario Drmać biti imenovan za direktora Pozorišta mladih Sarajevo, ali nažalost, umjesto stručnosti, profesionalizma i kompetentnosti, opet je pobijedila politika koja od Sarajeva i dalje pravi provinciju.



ZE-DO KANTON

Potpisana izjava o zajedničkom djelovanju na lokalnim izborima u Tešnju

Nakon razgovora o zajedničkom djelovanju na predstojećim lokalnim izborima na području općine Tešanj predstavnici SDP-a BiH, Stranke za BiH i BPS-a su u Tešnju potpisali zajedničku izjavu, a očekuju da im se pridruže i DF, SBB BiH, te Stranka penzionera. Cilj je, kako kažu, vratiti povjerenje građana u institucije vlasti.

Stranke koje su potpisale zajedničku izjavu 2008. godine su, kao i sada, dogovorile zajedničko djelovanje u Općinskom vijeću Tešanj, ali je tada BPS podlegla ustupcima pozicije i istupila iz koalicije.

“To je bila postizborna koalicija i danas pokušavamo prije izbora definisati jasne stavove kako u budućnosti ne bi bilo problema što se tiče rada ovih političkih partija“, pojasnio je Senad Subašić, predsjednik Općinske organizacije SDP-a BiH Tešanj.

Cilj zajedničkog djelovanja je demokratizacija političke scene u Tešnju.



TUZLANSKI KANTON

BIT Centar mjesto za visoku tehnologiju: Prilika za otvaranje 100 radnih mjesta

Tuzlanski gradonačelnik Jasmin Imamović i direktor BIT Centra Robert Martić potpisali su Ugovor o regulisanju međusobnih odnosa povodom zakupa poslovnih prostorija.

Kako je rečeno, radi se o prostorijama u zgradi "Grafičara", koje su namijenjene za realizaciju pete faze BIT Centra, čime se stvaraju uslovi za otvaranje oko stotinu novih radnih mjesta, u domeni informacijsko-komunikacijskih tehnologija.

Tuzlanski gradonačelnik je podsjetio da je ovo javno preuzeće osnovano 2005. godine, u saradnji sa Norveškom.

„U međuvremenu su Norvežani vidjeli da možemo upravljati time, da je samoodrživo. BIT Centar smo pretvorili u naše javno preduzeće sa stopostotnim vlasništvom Grada Tuzla. BIT Centar je od EU dobio milion KM i sada se širi posao i završava se BIT Centar 4, a proširenje nastavljamo u ovoj godini i bit će više od 100 novih radnih mjesta. Ovo je prilika za one koji se bave novim tehnologijama, imaju veliko znanje i mogu da se nadmeću na svjetskom tržištu znanja.“, kazao je Imamović.



SARAJEVSKI KANTON

Muzej ratnog djetinjstva mogao bi dobiti prostorije u Starom Gradu

Nakon što je udruženje „Urban“ u prethodnom periodu javnosti skrenulo pažnju da nemaju adekvatan prostor za smještaj Muzeja ratnog djetinjstva, reagovao je SDP BiH Stari Grad i ponudio rješenje kojim bi Muzej bio smješten u jezgri Starog Grada.

Klub Vijećnika SDP BiH Stari Grad Sarajevo već je na sjednici kolegija uputio u proceduru Prijedlog zaključka o aktivnostima na otvaranju Muzeja ratnog djetinjstva.

U starogradskoj organizaciji SDP BiH vjeruju da će i druge stranke pružiti podršku ovom prijedlogu, te da će Muzej ratnog djetinjstva što prije dobiti svoje prostorije u Starom Gradu.

„Ovaj muzej vidimo kao strateški bitan projekat jer ima odličan potencijal da postane dio jedinstvene turističke ponude Sarajeva. Turisti koji dolaze u posjetu našem gradu žele saznati što više o ratnom periodu, na ovaj način im se može ponuditi takvo iskustvo iz jednog neobičnog, ali svima razumljivog aspekta. Muzej ratnog djetinjstva nosi i veliku težinu u okviru naše kulture sjećanja koju moramo održavati bez obzira na cijenu. To što smo preživjeli kao djeca ratnog Sarajeva moramo sačuvati, našim uspomenama opominjati, kako bismo stvarali državu i svijet siguran za djecu“, poručio je Malik Garibija, predsjednik SDP BiH Stari Grad Sarajevo.



REGIJA ZVORNIK

OO SDP Srebrenica podržava Čamila Durakovića kao kandidata za načelnika opštine

Opštinski odbor Socijaldemokratske partije BiH Srebrenica, kao odgovorna politička partija, kojoj je na prvom mjestu interes građana Opštine Srebrenica, vrlo odgovorno razmatra situaciju povodom lokalnih izbora u Srebrenici. Opštinski odbor SDP BiH je svjestan da će se ovogodišnji lokalni izbori održati u daleko težim okolnostima nego 2012. godine i potpuno smo svjesni važnosti svakih izbora u Srebrenici, koji mogu ostaviti dalekosežne posljedice na budućnost ovog grada.

OO SDP BiH Srebrenica neće pristati na samoinicijativne odluke i ultimatum, ma od koga oni dolazili, te će svojim političkim odlukama vrlo jasno podržati nastavak razvoja Srebrenice prema dogovoru iz 2012. godine, stoji u saopštenju OO SDPBiH Srebrenica.

S tim u vezi, Nermin Nikšić, predsjednik SDP BiH, razgovarao je sa načelnikom Opštine

Srebrenica Čamilom Durakovićem o predstojećim lokalnim izborima i kandidaturi za načelnika Opštine. SDP BiH će podržati Čamila Durakovića na lokalnim izborima ukoliko on bude zajednički kandidat za načelnika Opštine Srebrenica probosanskih stranaka, kao što je to urađeno i na proteklim izborima za načelnika ove opštine.

„Cijenimo kako je vrlo korektno i dobro uradio svoj posao kao načelnik Srebrenice i spremni smo ga ponovo podržati kao nezavisnog kandidata. Ne vidim da ima prostora za bilo kakvu promjenu i to je jasno rečeno SDA-u i Durakoviću. Ako će biti kandidat SDA, ne može računati na podršku SDP-a i tada će SDP imati svog kandidata. Ako će neko drugi biti kandidat SDA, SDP će podržati Durakovića kao nezavisnog kandidata“, kazao je lider SDP-a Nermin Nikšić.

Javni protest povodom dodjele priznanja općine Ilijaš

Povodom dodjele priznanja, tj. plakete kolektivu i pojedincima koji su tokom 2015. godine postigli izuzetne rezultate u razvoju i promociji općine Ilijaš, Općinska organizacija SDP BiH Ilijaš upućuje javni protest povodom dodjele priznanja Mahiru Deviću, predsjedniku Općinske organizacije SDA Ilijaš.

„Naša glavna primjedba se odnosi na zloupotrebu ovog priznanja u vidu promocije jedne političke partije, njenih članova koji su stražnjicom linijom preko svog / našeg općinskog načelnika Akifa Fazlića javno nagrađeni za stranački rad.

Cjelokupan skup i dodjela priznanja protekla je kao „jeftini“ predizborni skup SDA, koji su direktno iz budžeta građana Ilijaša, finansirali sebi.

Nevjerovatno je da se povodom 20.godišnjice reintegracije Općine Ilijaš u ustroj FBiH, ne uputi nijedna nagrada niti priznanje ljudima koji su zasluzni za to, poput posthumnog odlikovanja i nagrade komandantu 126. Ilijaške brigade, rahmetli Hašimu Spahiću ili borcima 126. Ilijaške brigade.

Nedopustivo je da se ovakve manifestacije zloupotrebljavaju u cilju prikupljanja jeftinih političkih poena, i da se omalovažava sva zasluga ljudi koji su utkali svoje živote i dijelove tijela u odbrani Ilijaša.

Kao nijemi posmatrači situacije, svi lokalni mediji su prenijeli ovakvu manifestaciju neobjektivno i posmatrali je kao ispravnu stvar, navodi se u saopštenju OO SDP Ilijaš.



Benjamin Isović pristupio SDP BiH

Poznati sarajevski kulturni radnik Benjamin Isović, sin legendarnog pjevača sevdalinki Safeta Isovića, pristupio je u redove Općinske organizacije SDP BiH Centar Sarajevo.

„Posebno je zadovoljstvo, a slobodno mogu reći i čast, da nam se pridružila tako renomirana osoba kao što je Benjamin Isović. Još sam više obradovan time što je ovo nastavak pozitivnog trenda učlanjivanja u OO SDP BiH Centar od strane poznatijih ličnosti, koji su svojim pristupanjem SDP-u jasno poručili da smo jedina alternativa kojoj vrijedi pokloniti povjerenje“, istaknuo je Slaven Kovačević, predsjednik OO SDP BiH Centar.

Benjamin Isović je kazao da je u redove SDP-a došao veoma inspirisan i motivisan.

„Došao sam da svojim priateljima pomognem da na ideju „Bošnjačkog jedinstva“, odgovorimo mnogo širom i jačom idejom „Gradanskog jedinstva“, rekao je Isović.



Da li će ljevičari vratiti London?

Građani Londona su na referendumu 2000. godine izmijenili Statut grada tako da se gradonačelnik bira direktno. Ove godine izbori za gradonačelnika i gradsku skupštinu Londona će se održati 5. maja. Glavni kandidati su Zak Goldsmith (Zac Goldsmith) u ime Konzervativne partije Ujedinjenog Kraljevstva i Sadik Khan (Sadiq Khan) iz Laburističke partije Ujedinjenog Kraljevstva.

Ovo su peti direktni izbori za gradonačelnika Londona, a atmosfera je itekako uzavrela. Aktuelni gradonačelnik je Boris Džonson (Boris Johnson), konzervativac koji je na prethodnim izborima dobio mjesto u regionalnom parlamentu. On je, naravno, podržao stranačkog kolegu Goldsmitta, člana regionalnog parlamenta koji je na prošlim izborima svoju umnogostručio svoju podršku sa 4 000 na 23.000 glasova. Upravo u ovom naglom skoku popularnosti Goldsmith vidi svoju šansu za osvajanje glasova Londonaca. Kao deklarirani euroskeptik on također očekuje da će dobiti popularnost i u okviru debate i referendumu o odcjepljenju Ujedinjenog Kraljevstva od Evropske Unije. Utrka je, međutim, daleko od izvjesne. U gradskoj skupštini Laburisti imaju 12 mesta, a Konzervativci tek 9.

Preostala četiri mesta dijele Zeleni i Liberali. Prema tome očito je da su Londonci više naklonjeni ljevim politikama, ali glavninu odluke odnijet će ipak privlačnost samog kandidata.

Laburisti su ovaj put ponudili jedinstveno rješenje i već u startu pokupili simpatije javnosti. Kandidat Sadik Khan je daleko od tipičnog britanskog političara. Njegov otac rođen je u Pakistanu, a u Londonu je radio kao vozač autobusa. Prije nego će postati predstavnik u regionalnom parlementu, radio je kao advokat za ljudska prava, pomažući obespravljenim, siromašnim i zapostavljenim građanima da lakše ostvare svoja prava.

Ankete pokazuju da Kan vodi sa 35 posto podrške, dok je konzervativac Goldsmith tek na 25 posto. Svi ostali kandidati ne prelaze prag od pet procenata podrške i odveć je jasno da nemaju ozbiljnu šansu. Izbori 5. maja će pokazati da li će ljevičar Sadik Khan pobijediti i da li će London jasno pokazati svoje kozmopolitsko i progresivno opredjeljenje, unatoč velikim problemima sa separatizmom i strahu od terorizma.

Kandidat Laburista za gradonačelnika Londona je Sadik Khan (Sadiq Khan). Pakistanac porijeklom, sin vozača autobusa. Dugo je vodio advokatsku kompaniju koja se bavila odbranom ljudskih prava, a upravo ovaj humani poziv ga je učinio naročito omiljenim među građanima. Supruga Saadiya Kahn (Sadija Kan) je također advokat, zajedno imaju dvoje djece. Od 2005 je parlamentarac u regionalnom parlamentu.

London je jedan od najvećih i najpoznatijih gradova svijeta. Prijestonica Engleske i Ujedinjenog Kraljevstva smještena je na obalama rijeke Temze, a osnovali su je Rimljani prije dva milenijuma. Danas u užem području Londona živi 8,5 miliona stanovnika i najmnogoljudnija je općina u Evropskoj Uniji. Na širem području ove metropole živi čak 13,8 miliona stanovnika. Grad je iznimno bogato različostima, u njemu žive i djeluju mnoge različite etničke i vjerske skupine, a govori se čak više od 300 različitih jezika. Unatoč ovakom velikom broju stanovnika, gradska skupština Londona broji tek 25 predstavnika, većinom ljevičara.



Uzbudljiva ponuda pred demokratima

Izbori za predsjedničkog kandidata Demokratske partije Sjedinjenih Američkih Država održavaju se od početka februara do sredine juna ove godine. Ovi unutarstranački izbori će odlučiti o tome ko je naredni kandidat Demokrata u utrci za predsjednika SAD-a. Aktuelni predsjednik Barack Obama nije u mogućnosti da se kandiduje jer je već dva puta izabran.

Utrka se provodi u 50 država, Distriktu Kolumbija i drugim teritorijama pod administrativnom nadležnosti SAD-a. Sistem izbora je interesantan i dosta neobičan. Naime,

u nekim državama kandidat se bira na izborima, dok se u drugim bira na otvorenim sastancima lokalnih klubova članova partije. Svaka država nosi određeni broj delegata, u nekim državama pobjednik odnosi sve delegate, a u drugim delegati se dijele proporcionalno broju osvojenih glasova. Naposlijetku će se organizovati velika partijska konvencija, gdje će ovi delegati donijeti konačnu odluku o kandidatu Demokrata za predsjednika SAD-a. Ove konvencije su često proceduralne i tu su samo da potvrde rezultate, ali kada je utrka čvrsta kao ovogodišnja

sve se može očekivati. Osim standardnih delegata postoje i takozvani „super delegati“ koji na konvenciju idu direktno, a u pitanju su istaknuti članovi i predstavnici partije čiji glas nije uslovljen voljom članova. Super-delegati čine ogroman broj u ukupnom zbiru delegata i mogu znatno utjecati na ishod konvencije.

Ovaj sistem izbora mnogi smatraju zastarjelim, a iz ciklusa u ciklus on biva stavljen na test te se upućuje mnoštvo kritika na njegov račun. Primjera radi, prije osam godina kada su glavni takmaci za poziciju bili Barack Obama i Hilari Klinton, većina članova je bila za Obamu, dok su super delegati bili većinski za gospodu Klinton. Super delegati su u zadnji tren promijenili odluku i svoju podršku dali Obami kao kandidatu koji je imao većinsku podršku članstva.

Glavni takmaci u utrci za ovogodišnju nominaciju su Hilari Klinton (Hillary Clinton) i Berni Sanders (Bernie Sanders). Oba kandidata su po nečemu novi i snažno bi osvježili političku scenu u Sjedinjenim državama. Klinton bi, u slučaju da pobijedi bila prva žena na čelu SAD-a. S druge strane ako bi pobijedio Sanders, to bi bilo prvi put da deklarirani demokratski socijalista stane na čelo ove najveće svjetske sile.

Oba kandidata su u suštini iznimno kvalitetna, pravo su osvježenje za političku scenu i oboje bi bili dosljedni i dobro naslijednici Baraka Obame. Bilo ko od njih da pobijedi, njegov ili njen ključni zadatak će biti pobjeda protiv kandidata Republikanske stranke.



Šta ljevica nudi na vanrednim izborima u Srbiji?

Svako drugo proljeće u Srbiji postalo je sinonim za izbornu kampanju. Bilbordi, reklamni spotovi, stranački aktivisti na vratima i telefonu, štandovi na ulicama postali su svakodnevica građana Srbije. Od 2000. godine samo jedna vlada u Srbiji izdržala je pun mandat, tj. četiri pune godine i to vlada Mirka Cvetkovića od 2008. do 2012. godine. Premijer Srbije naredne dvije godine je bio Ivica Dačić, lider Socijalističke partije Srbije, a onda nakon vanrednih parlamentarnih izbora i dominantne pobjede Srpske napredne stranke premijer postaje Aleksandar Vučić. Nakon nepune dvije godine mandata i mnogo nepopularnih mjera smanjenja plata i penzija, smanjenja novčane socijalne pomoći, ukidanja jednokratnih socijalnih pomoći, rasta javnog duga, premi-

jer u januaru najavljuje nove vanredne izbore. Redovni pokrajinski (Vojvodina) i lokalni izbori u većini opština u Srbiji su svakako bili predviđeni za ovo proljeće, pa je ujedno i to bila prilika da se provjeri povjerenje građana. Izbori u Srbiji koštaju oko 20 miliona eura, pa se često postavlja pitanje među građanima, da li su vanredni izbori u Srbiji stvar trenda, potrebe ili samo političkih igrarija. Rok za prijavu izbornih lista je 8. april, a rok za utvrđivanje i objavljivanje zbirne izborne liste je 13. april. Ovim povodom pitali smo kolege i kolegice iz Demokratske stranke Srbije šta su njihovi glavni motivi za nastupajuće izbore i šta oni kao partija ljevice nude građanima Srbije.

Demokratska stranka će na listiću biti pod rednim brojem dva, pod sloganom „Živeti sad“, koji predstavlja DS kao stranku blisku građanima i njihovim sudbinama, kao stranku koja razumije problem građana i nudi prava rješenja. Nazivom liste „Za pravednu Srbiju“ pokušava da naglasi činjenicu da većina građana Srbije aktuelnu vlast vidi kao nepravednu prema njima. Strah i neizvjesnost rastu, a strpljenja je sve manje. Pravedna Srbija svojim građanima nudi koncept zemlje koja vodi računa i o stvaranju, ali i pravednoj raspodjeli društvenog bogatstva, garantuje pravo na rad i zaradu kao i dio ličnog i društvenog standarda, efikasno liječenje i zdravstvenu njegu, pravo na kvalitetno i primjenjivo znanje, njegovanje kulture i sistema vrijednosti društva, ličnu, porodičnu i nacionalnu bezbjednost. Građani su u Srbiji danas potušeni i ponizeni. Građani Srbije žele normalan život, mir, izvjesnost, bolji standard i jednak kriterijume za sve, oni hoće da žive sad, a ne "sutra" kako stalno u svojoj propagandi obećava premijer u ostavci. Režim tvrdi da Srbija pobjeđuje, a Demokratska stranka tvrdi da ovakva Srbija pobjeđuje svoje građane.




Srbija je danas, po ekonomskim parametrima, najora država u regionu. Plate i penzije građana u Srbiji najniže su u Evropi. Oko 100 hiljada mlađih napustilo je Srbiju u protekle četiri godine. Zato su ovi izbori sada važni, da pametni i obrazovani više ne popuštaju i ne bježe iz zemlje, nego da takvi budu nosioci razvoja društva. Demokratska stranka želi da vrati plate zaposlenima u prosvjeti, zdravstvu, vojsci, policiji, kulturi i drugim oblastima na nivo prije smanjivanja. Da vrati penzije na normalan nivo i vrati penzionerima sve što im

je oduzeto do sada. Da poveća minimalnu cijenu rada, da oslobodi poslodavce poreza na plate u trajanju od četiri godine od osnivanja malog i srednjeg preduzeća, uz obavezu očuvanja broja zaposlenih, da mladima nakon završenog školovanja obezbijedi posao, da obezbijedi zdravstvenu knjižicu koja jednako važi u privatnoj i državnoj bolnici, da pomogne parovima u liječenju steriliteta, da vrati subvencije poljoprivrednicima, da obezbijedi poreske olakšice za ulaganje u sport i kulturu.

 **SDP bira**
2.4.2016.

Izbori u SDP Hrvatske

Socijaldemokratska partija Hrvatske će 2. aprila održati izbore, prema sistemu jedan član-jedan glas, za novog predsjednika ove partije. Osim izbora za predsjednika, članovi SDP Hrvatske će birati članove Predsjedništva i članove Glavnog odbora ove partije, a datum održavanja ovih izbora je 16. aprila. Ukoliko predsjednik SDP-a Hrvatske ne bude izabran 2. aprila, drugi krug izbora za predsjednika održat će se 9. aprila.



Delegacija Forumu mladih na kongresu IUSY-a u Tirani

U periodu od 25. do 28. februara, u Tirani, održan je kongres IUSY-a (International Union of Socialist Youth). Domaćini kongresa su bile albanske organizacije YMI i FESYA.

Na kongresu je prisustvovalo više od 250 delegata lijevo orijentiranih političkih podmladaka iz cijelog svijeta.

Delegati ispred Forumu mladih SDP BiH u Tirani su bili član Glavnog odbora Adi Kasumović i predsjednik Forumu mladih SDP BiH Sarajevo Adnan Sobo.

Ovogodišnji kongres je otvorio premijer Albanije Edi Rama, koji je istaknuo važnost političkog aktivizma mladih.

Na kongresu se raspravljalo o političkom manifestu IUSY-a kao i o donošenju rezolucija na različite aktuelne

društveno – političke teme, te je sprovedeno glasanje za novo rukovodstvo ove organizacije.

Dosadašnjeg predsjednika Felipea Jeldresa iz Čilea je naslijedio Howard Lee iz Malezije, a u narednom mandatu generalna sekretarka IUSY-a biće Evin Incir iz Švedske. Kongres je bio odlična prilika za uspostavljanje i učvršćivanje prijateljskih odnosa sa mladima iz cijelog svijeta, a posebno sa mladima iz zemalja Balkana radi budućeg zajedničkog djelovanja.

FOM SDP BiH će i dalje nastaviti aktivno da participira u ovakvim dešavanjima kao i raditi na stalnom jačanju međunarodnih odnosa sa ostalim podmladcima iz cijele Evrope koji zastupaju i njeguju jednake principe djelovanja u skladu sa idejom socijaldemokratije.



SDP BiH je jedina radnička partija u BiH

U proteklom periodu Forum sindikalnih aktivista/aktivista SDP BiH u saradnji sa Savezom samostalnih sindikata BiH i Savezom sindikata RS, organizovao je niz tribina u nekoliko bh. gradova, na kojima su glavne teme bile

Zakon o radu FBiH i Zakon o radu RS.

Uz veliko prisustvo članova i članica SDP BiH, kao i građana, tribine su održane u Sarajevu, Travniku, Prijedoru, Mostaru, Zenici, Tuzli, Gradačcu, Gračanicima,...

Forum mladih SDP BIH Novo Sarajevo donirao knjige Narodnoj biblioteci u Rogatici



Članovi Forumu mladih SDP BiH Novo Sarajevo, zajedno sa ostalim članovima OO SDP BIH Novo Sarajevo, su u prethodnom periodu upriličili akciju prikupljanja knjiga, na koju se odazvao veliki broj građana Novog Sarajeva. U akciji je sakupljeno više stotina knjiga. Prikupljene knjige članovi Forumu su odlučili donirati Narodnoj biblioteci Rogatica.

„Forum mladih se odlučio da donira knjige biblioteci u Rogatici s ciljem da se obogati knjižni fond ove ustanove, a posebno me raduje što je u našoj akciji prikupljen veliki broj knjiga za djecu, koje će osnovcima iz Rogatice pomoći u njihovom školovanju. Članovi Forumu mladih iz Novog Sarajeva trude se da budu društveno aktivni, te je ova akcija samo jedna u nizu kako urađenih, tako i onih koje imamo u planu uraditi za građane, a posebno mlade osobe u Novom Sarajevu, ali i na teritoriji cijele Bosne

i Hercegovine, rekao je predsjednik FOM SDP BIH Novo Sarajevo Denis Škulj.

Akciji su se priključili i članovi OO SDP BIH Rogatica, koji su zajedno sa mladima iz Novog Sarajeva prisustvovali sastanku sa nadležnim Narodne biblioteke „Rogatica“ te dostavili knjige.

„Nakon uspješne akcije prikupljanja i podjele paketića za povratničku djecu, drago nam je što smo učestvovali i u ovoj akciji obogaćivanja gradske biblioteke. Hvala Forumu mladih SDP Novo Sarajevo kao i ostalim Forumima mladih Socijaldemokratske partije koji nesebično izlaze u susret i učestvuju u akcijama koje su vezane za našu Rogaticu. Nećemo stati na ovome, moramo nastaviti kontinuirano raditi. SDP BiH je još jednom pokazao da je partija svih građana BiH“, rekao je predsjednik OO SDP BIH Rogatica Kemal Lihić.



Vlada FBiH mora preuzeti odgovornost

Reforma penzionog sistema mora biti pravedna i za buduće i za postojeće penzionere. Postojećim penzionerima treba poboljšati položaj povećanjem penzija, osigurati redovnu isplatu i korekciju.

Vlada mora preuzeti odgovornost za isplatu svih penzija i definiranje penzione politike, kako taj princip vrijedi u svim zemljama Evrope, poruka je proširene sjednice Predsjedništva Forumu seniora/ki SDP BiH, u povodu razmatranja Nacrta zakona o penzijskom i invalidskom osiguranju u Federaciji BiH.

Naime, iz predloženog Nacrta zakona proističe da se penzionom politikom, u pogledu izvora i načina finansiranja, izjednačavaju prava na temelju osiguranja koja proističu iz minulog rada sa mjerama socijalne zaštite od ekstremnog siromaštva (minimalne penzije), jer se i stečena prava po osnovu zarade i visine uplaćenih doprinosa i minimalne – socijalne penzije isplaćuju najvećim dijelom iz doprinosa po osnovu osiguranja.

FOS SDP BiH ne dovodi u pitanje mogućnost liberalizacije uslova za sticanje prava na starosnu penziju sa najmanje 15 godina staža osiguranja(minimalna penzija), ali se finansiranje razlike od utvrđene po Zakonu i iznosa minimalne penzije, treba osigurati iz općih prihoda, a ne iz doprinosa.

Ne samo da se iz obrazloženja Zakona ne vidi postojanje usklađenosti makroekonomskih pokazatelja razvoja i socijalne politike, ne vidi se ni broj potencijalnih korisnika minimalne penzije, niti mjesčni iznos potrebnih sredstava, ni izvori finansiranja, niti se vidi da je teret finansiranja minimalnih penzija jasno preuzeo Budžet Federacije.

Takva politika je nemoralna i nepravedna i Vlada mora preuzeti odgovornost za takvu politiku, poruka je proširene sjednice FOS SDP BiH.

Studentski dom ne smije nositi ime po ratnom zločincu

Stefan Jović, potpredsjednik Forumu mladih Socijaldemokratske partije BiH, smatra da je imenovanje studentskog doma po Radovanu Karadžiću nedopustivo i da predstavlja, još jedan u nizu činova prekravanja istorijskih činjenica u BiH.

“Kao mladim ljudima, stalo nam je do bolje i svjetlijie budućnosti u kojoj nacionalizam i podjela ove države i njenih naroda nema mesta u našem društvu. Prvi korak ka svetlijoj budućnosti je suočavanje sa prošlošću, a to podrazumijeva da se svi odgovorni za ratne zločine trebaju kazniti i da se pravda, napokon, zadovolji. Ne smijemo dozvoliti da budemo društvo gdje će studentski domovi nositi ime po ratnom zločincu.”

Međutim, bili smo svjedoci prekravanja novije istorije naše zemlje, kada je na Palama studentski dom nazvan po ratnom zločincu Radovanu Karadžiću. Na stranu to što je predsjednik RS Milorad Dodik otvorio već otvoreni studentski dom, nego na ovaj način pokušava dobiti medijski prostor i tako učvrstiti povjerenje kod glasačkog tijela koje prihvata ovakvo prekravanje istorije. Njegova namjera je da se svom glasačkom tijelu predstavi kao osoba koja je jača od Haškog tribunala i od same države Bosne i Hercegovine.

Veoma je zabrinjavajuća činjenica da se ovako utiče i na studente koji predstavljaju ogledalo društva. Manjak reakcija, čak i ogromno odobravanje ovakvog postupka, od strane studenata širom RS predstavlja zabrinjavajuću činjenicu. Svjedoci smo da je nacionalistička propaganda uzela svoj danak na najbitnijem sloju našeg društva – studente. Vjerujem da će studenti, uprkos kontroli studentskih medija od strane vladajuće strukture, uvidjeti da su postupci Milorada Dodika za svaku osudu. Dodik je na ovaj način osudio čitavu RS na epititet “genocidna tvorevina” i poistovjetio je sa ratnim zločincem.

Vjerujem da svi oni koji podržavaju ovakvo prekravanje istorije predstavljaju manjinu i da je većina na pravoj strani istorije. Ta većina je odavno bila ušutkivana od strane vladajuće strukture. Probudimo se, recimo sebi da želimo lješnu budućnost i bolje društvo za našu



Stefan Jović: Dodik cijeli entitet poistovjećuje sa ratnim zločincem

mladinu i nas. Sve postupke koji su, i u najmanju ruku, slični postupku Milorada Dodika treba osuđivati na svakom koraku i kao takvog ga društveno ne prihvatići. Moji preci su se borili za jedinstvenu BiH zasnovanu na vrijednostima ZAVNOBiH-a i zato ne pristajem na prekravanje istorije! Pristajem jedino na BiH u kojoj je pravda zadovoljena i u kojoj se svi njeni narodi kroz suživot rade na svojoj ljepšoj, jedinstvenoj i zajedničkoj budućnosti.

Počnimo nazivati stvari pravim imenom. Na današnjoj teritoriji RS se dogodio genocid, promijenjena je etnička struktura na određenom prostoru u velikoj mjeri za kratko vrijeme i odgovorna lica se trebaju izvesti pred lice pravde. Verujem da će Haški tribunal donijeti presudu u kojoj će biti zadovoljena pravda.

Svjedoci smo da se u Republici Srpskoj nacionalizam i prekrjena istorija koja favorizuje jedan narod, na štetu ostalih, odvano plasira, što je dovelo do toga da je takva prekrjena istorija postala prihvatljiva istina”, navodi Jović.



radnici i sindikalci iz Pretisa, Željeznica FBIH, GRAS-a, Općinske organizacije SDP Vogošća.

Bajramović je upoznao prisutne sa načinom borbe SSSBiH i putem koji je Sindikat prošao u pokušajima da u socijalnom dijalogu utiče na rješenja u Zakonu o radu, a potom kako su došli do konačnog potpisivanja Općeg kolektivnog ugovora. Besima Borić je upoznala prisutne sa Odlukom Ustavnog судa koji je Zakon o radu stavio van snage i svojim zaključcima poslao Vladi poruke da se moraju poštovati propisane i Ustavne i poslovničke procedure. Sindikalci iz Pretisa, i namjenske i tržne proizvodnje, iznijeli su niz problema sa kojima se nose, od nemogućnosti liječenja zbog neuplate doprinosa (namjenska) do višemjesečnog nedobijanja plata i potpune neizvjesnosti o sudbini tridesetak radnika koliko ih je preostalo iz Alatnice.

U Stocu je održana javna tribina na temu ‘Zastupljenost žena u politici u BiH’ u organizaciji Forumu žena SDP BiH Stolac.

“Marginalizacija žena, te strah od toga da bi mogle biti ugrožene na svojim radnim mjestima od strane vladajućih koalicija je razlog zašto su žene slabo zastupljene u politici”, istaknula je Alma Čerkez, predsjednica Forumu žena SDP BiH Stolac.

Potpredsjednica SDP BiH Lana Plić napravila je presjek zastupljenosti žena u političkom životu u BiH od 1990. do

Javna tribina o Općem kolektivnom ugovoru FBiH

U Općini Vogošća održana je javna tribina “Dijalog sa predsjednikom Saveza sindikata BiH Ismetom Bajramovićem o radno-pravnom zakonodavstvu i potpisanim Općem kolektivnom ugovoru” u organizaciji Forumu sindikalnih aktivista i aktivistica Općinske organizacije Vogošća. Tribini su prisustvovali vogošćanskih škola kao i sindikalni aktivisti i aktivistice

danas, te naglasila da je SDP BiH jedina partija u BiH koja prepoznae u svojim partijskim dokumentima žene i radi na edukaciji istih. Također se otvorila tema zatvorenih i otvorenih lista, prednosti i mane spram žena u politici. Iako smo preko dvadeset godina demokratsko društvo, to ne znači nužno da smo manje partijahalno, što dokazuju razne naslovnice i način na koji se žene predstavljaju. Također pojedine stranke u BiH gledaju žene isključivo kao osobe koje služe za rast nataliteta. Ifeta Škoro, potpredsjednica FOŽ SDP BiH se osvrnula



Javna tribina o vršnjačkom nasilju u organizaciji Forumu žena SDP BiH

U organizaciji Forumu žena (FOŽ) Općinske organizacije Socijaldemokratske partije BiH Novo Sarajevo, uz podršku Kantonalnog odbora FOŽ SDP BiH Sarajevo u Međunarodnom centru za djecu i omladinu Novo Sarajevo održana je javna tribina pod nazivom „Vršnjačko nasilje kao odraz stanja u društvu – vršnjačko nasilje kako ga spriječiti“.

Na početku tribine okupljenim su se obratili predsjednik OO SDP BiH Novo Sarajevo Miroslav Živanović i potpredsjednica SDP BiH Segmedina Srna-Bajramović.

Tok održavanja tribine vodio je ka pronalasku mjera za preventivno djelovanje u cilju sprječavanja vršnjačkog nasilja, koje je prisutno u bh. društvu i Sarajevu kao glavnom gradu države. Uvodna izlaganja na temu iznijeli su eminentni stručnjaci iz oblasti psihologije, kriminalistike i kriminologije. Tribini su, pored članica Forumu žena svih općinskih organizacija SDP BiH sa područja Kantona Sarajevo, prisustvovali i predstavnici Vijeća roditelja, nastavnog osoblja škola iz Novog Sarajeva, te zainteresovani građani ove općine.

Javna tribina je bila od izuzetnog značaja za prisutne, s obzirom na ekspanziju vršnjačkog nasilja u našem društvu.

Tribina je polučila konkretne zaključaka i potrebe, a neki od njih su: Osnivanje Centra za zdravo djetinjstvo i Centra za zdravo roditeljstvo, ojačavanje kadrovske infrastrukture i formiranje timova sastavljenih od psihologa, socijalnih radnika i pedagoga, izmjena i smanjenje obima nastavnih planova i programa, te povratak odgojne komponente u škole kao i evaluacija nastavnog kadra u smislu uvođenja sistema ocjenjivanja istih.

Također, učesnici javne tribine tražili su primjenu postojećih zakonski rješenja i preporuka UNICEF-a koje se tiču pristupa odgoju djece i primjene i poštivanja dječjih prava.


Na kraju tribine učesnici su poručili da djeca jesu naša budućnost, a zdrav i obrazovan naraštaj je preduslov za razvoj svake uspješne države.



Zastupljenost žena u politici BiH

na stereotipe sa kojim se žene susreću ne samo u politici već u svakodnevnom životu uključujući mobing i diskriminaciju po mnogim pitanjima. Na tragu toga diskutovalo se o odluci VSTV o zabrani nošenja hidžaba.

Emina Abrahamsdotter, predsjednica Forumu sindikalnih aktivista i aktivistica SDP BiH, prezentovala je Zakon o ravnopravnosti spolova koji grantuje ravnopravnost spolova u svim oblastima, ovim Zakonom se zabranjuje diskriminacija te se definišu oblici diskriminacije.



NAŠ ODGOVOR

Lider SDA Bakir Izetbegović i trenutna vlast zagovaraju opštu amnestiju sebe i svojih kadrova od pravosudnog progona. Izetbegović je izjavio kako su tužilaštva u BiH u prošlosti neosnovano progonila političare i kako "nama to ne treba".

Naš odgovor je da nama odavno treba istinska borba protiv sistemske korupcije, organizovanog i privrednog kriminala. Zato smo nakon tri godine borbe u prošlom mandatu usvojili antikorupcione zakone, koje oni danas neće da provedu i ne žele u budžetu osigurati dovoljno sredstava kako bi konačno počeo raditi federalni USKOK. Potvrda tome je činjenica da je primjena ovog Zakona pomjerena za 1. juli 2017. godine.

Vlada FBiH time jasno pokazuje kako se politika amnestiranja političkog kriminala koju zagovara Bakir Izetbegović provodi u praksi. Protiv toga se moramo boriti zajedno.

Naš odgovor je da se zakon o suzbijanju korupcije i organiziranog kriminala u FBiH mora provoditi. Vlada je bila dužna osigurati sredstva za uspostavu Posebnog odjela Federalnog tužilaštva i Posebnog odjela Vrhovnog suda koji će istraživati i procesuirati prije svega političku i sistemsku korupciju te privredni kriminala počinjen pod političkom zaštitom, a koji je doveo do uništavanja stotina firmi, pljačke i nestanka milijardi maraka. BiH mora postati država u kojoj vladaju zakoni, a ne država u kojoj vladaju pojedinci okupljeni oko vrha vladajućih stranaka. Oni žele zemlju kojom se upravlja sa mindera. Mi želimo pravnu državu u kojoj se zna red.

Koalicija predvođena SDA i HDZ-om prihvatile je sramni protokol o reformi pravosuđa u Briselu kojim se predviđa derogiranje ključnih nadležnosti Suda BiH koji prema tom dogovoru više neće imati nadležnost za procesuiranje krivičnih djela ratnih zločina, te korupcije i organiziranog kriminala koji su počinjeni od strane zvaničnika entiteta, kantona i opština te djela privrednog kriminala počinjenog bilo gdje u BiH. To je urušavanje pravne države i urušavanje države uopšte.

Naš odgovor je da se Zakon o sudu BiH može mijenjati samo na način da se uspostavi Vrhovni sud BiH koji će imati ingerenciju nad svim sudovima u cijeloj zemlji. Sve ispod toga je novi ustupak snagama koji žele slabu BiH i sve ispod toga je izdaja BiH. Samo sa jakim Vrhovnim sudom, BiH će postati pravna država, a građani na cijeloj teritoriji BiH imati jednak tretman pred zakonom. Oni to ne žele, mi želimo i za ostvarenje tog cilja ćemo se boriti zajedno jer to je interes svih građana BiH.

Kroz mehanizam koordinacije sa Evropskom unijom SDA i HDZ žele uspostaviti državu ustrojenu po sistemu tri etnička entiteta, jer se kantonima i entitetima daje uloga da upravljaju procesom pristupa BiH ka EU u većem obimu i sa većim nadležnostima nego državnim institucijama. U EU ne ulaze ni Srbi ni Hrvati ni Bošnjaci već država BiH i svi njeni građani. Ovaj model je neustavan i predstavlja podjelu države na tri etničke teritorije i to bez promjene Ustava.

Naš odgovor je da mehanizam koordinacije mora voditi državna vlast i državne institucije i da samo oni mogu donositi odluke i pregovarati sa Evropskom unijom. SDP nije dozvolio da se to desi u prethodnom mandatu, ali je zato SDA odmah pristala na takav model i diktat HDZ-a koji znači daljnje slabljenje države i nastavak njene podjele.

Vlada Federacije je nezakonitom odlukom imovinu vrijednu više milijardi KM pre-pustila na upravljanje i rapolaganje fantomskoj firmi „Interas“ umjesto da taj posao

radi državna institucija Direkcija za pasivni podbilans koja je jedina ovlaštena po zakonu da se bavi tim poslom. Direktor Agencije za privatizaciju koji je bio SDP-ov kadar podnio je ostavku jer nije želio učestvovati u tom kriminalu.

Naš odgovor je borba za provedbu zakona kroz institucije sistema, jer se ne smije dozvoliti da stranački tajkuni i raznorazni kriminalci otmu ovu imovinu koja pripada građanima FBiH i koja se treba iskoristiti za ubrzan ekonomski razvoj BiH.

Penzioneri u BiH su u potpunosti zaboravljeni od trenutnih vlasti i svoje penzije dobivaju iz kreditnih zaduženja u koje Vlade oba entiteta guraju zavode penzionog osiguranja. Mi smo pokazali da znamo kako se položaj penzionera može popraviti i zato smo uspjeli u manje od tri godine dva puta povećati penzije. Trenutna vlast to niti želi, niti zna niti hoće i može uraditi.

Naš odgovor je stalna borba za unaprijeđenje položaja više od 500.000 penzionera u BiH koji trebaju prestati strahovati za svoje penzije. Počeli smo reformu penzionog sistema koju trenutna vlast oteže već mjesecima. Ključ je ipak u ekonomskom rastu i novom zapošljavanju i zato smo mi investirali više od dvije milijarde KM u izgradnju autocesta i energetski sektor. To je izvelo BiH iz recesije, što je direktno uticalo na povećanje broja zaposlenih za 10.000 u odnosu na broj kada smo preuzeeli vlast. Zato smo uspjeli povećati penzije, a nedavno smo i spriječili namjere aktuelne Vlade FBiH o smanjenju penzija.

Trenutna vlast je u potpunosti zanemarila investicije. Iako je osigurano više od 600 miliona KM za izgradnju autoceste, SDA i HDZ se međusobno bore oko kontrole nad tim novcem i NE GRADE AUTOCESTU. Time su zaustavili ekonomski zamajac koji smo pokrenuli, i zato nema ekonomskog rasta neophodnog za povećanje penzija i ukupnog životnog standarda.

SDA i HDZ su u FBiH donijeli neustavni Zakon o radu, koji je u potpunosti derogirao prava radnika, ponizio sindikat i radnike prepustio na volju vlasnika kapitala. Nakon Vlade FBiH, sličan Zakon o radu je donijela i Vlada RS.

Od samog početka primjene tog Zakona naš odgovor je bio da ga treba promijeniti i da o radničkim pravima ne mogu odlučivati niti Vlade niti poslodavci, već isključivo Parlament koji će zakonski propisati set radničkih prava, ali u dogovoru sa Sindikatom. Apelacijom naših delegata u Domu naroda FBiH federalni Ustavni sud je Zakon o radu proglašio neustavnim, jer je donesen suprotno Ustavu FBiH i Poslovniku o radu Doma naroda. SDP BiH će i dalje biti protiv ovakve varijante Zakon o radu, osim ako se ne usvoje amandmani naših zastupnika i delegata.


Ovakim Zakonom o radu onemogućen je rad Federalne inspekcije u borbi protiv rada na crno, jer to u budućnosti mogu raditi samo kantoni. To je također ustupak HDZ-u (a pogoduje i SDA-u) kako bi i u oblasti radno pravnih odnosa bio zaokružen treći entitet, odnosno kako bi firme koje su vlasnički i interesno povezane sa ovom strankom bile izuzete od kontrole institucija koje oni suvereno ne kontrolišu.

Naš odgovor je da se Zakon o radu mora mijenjati i boriti ćemo se za promjenu ovog zakona koji mora maksimalno zaštiti radnike i njihova prava.

Vladajuća koalicija želi podijeliti Javni RTV servis na tri nacionalna kanala u okviru BHRT-a, čime bi, konačno, bila zaokružena podjela javnog televizijskog servisa. **Naš odgovor jeste da je ovo još jedan pokušaj segregacije bh. medijskog prostora i napada na Javni servis, koji je, zbog toga što u Vijeću ministara BiH još nije imenovan novi ministar komunikacija i saobraćaja, praktično na izdisaju. SDP BiH će se boriti protiv ovakvih prijedloga, koji dovode u pitanje osnovnu postavku javnih servisa u BiH, koji u svom cijelokupnom programskom sadržaju moraju biti na usluzi svim građanima, bez obzira na njihovu nacionalnu ili vjersku pripadnost.**

SDA i HDZ svojim prijedlozima za održavanje izbora u Mostaru definitivno žele podijeliti ovaj grad na dva dijela, odnosno, žele da jedan narod dominira nad ostalim. Prijedlog SDA o održavanju izbora u ovom gradu je samo ušminkana verzija prijedloga HDZ-a od prije 20 godina, koji je i tada predlagao podjelu Mostara na dva etnička dijela. I sadašnji prijedlog HDZ-a je za SDP potpuno neprihvatljiv, jer ne garantuje ravnopravnost i jednaku zastupljenost svih naroda u Gradskom vijeću Mostara.

Naš odgovor u vezi održavanja izbora u Mostaru jeste rješenje koje je bazirano na tri principa - jedinstven Mostar, tri multietničke izborne jedinice koje prelaze Neretvu i institucionalna zaštita svih naroda koji žive u Mostaru. Predlažemo i uvođenje funkcije dogradonačelnika, te zadržavanje minimalne i maksimalne kvote u Gradskom vijeću. Ovim prijedlogom ispoštovane su odluke Ustavnog suda BiH da proporcionalan broj birača bira proporcionalan broj vijećnika i da birači iz centralne zone nisu diskriminirani, te bi usvajanjem ovog rješenja bilo omogućeno održavanje izbora u Mostaru.



Osnivanje Glavnog radničkog saveza za Bosnu i Hercegovinu

Već krajem 19. i početkom 20. stoljeća u Bosni i Hercegovini pojavili su se vijesnici radničkog pokreta. Radnici su se, pritisnuti lošim uslovima, okrenuli jedni drugima, a po fabričkim halama, hodnicima i gradskim kafanama sve se glasnije pričalo o radničkim pravima.

Priča se najviše intenzivirala u vremenu dolaska 1. maja kao međunarodnog praznika rada. Pronosio se glas o štrajkovima i paradama u raznim dijelovima Europe i svijeta, te se priželjkivalo nešto slično i u našoj zemlji. Centri aktivizma bile su velike fabrike, željeznicke i rudnici u kojima su radnici trpili katastrofalne uslove rada.

Prva javna prvomajska proslava

Prva takva proslava, uprkos zabranama Austro-Ugarske monarhije, desila se 1. maja 1894. godine u Varešu. Zahtjevi su uputili željezničari, a vlasti su im udovoljile bojeći se demonstracija i štrajkova.

Vareški radnici su dostojanstveno, uz velike mjere sigurnosti, promarširali gradom noseći crvene značke za reverom. Tako je prva javna prvomajska proslava u Bosni i Hercegovini prošla uspješno i bez incidenta.

Najglasniji pobornici sindikalnog organizovanja u ovom vremenu su bili naši ljudi koji su se obrazovali ili su radili u drugim vani, kao i strani radnici koji su dolazili u Bosnu i Hercegovinu.

Među prvima bio je Mihajlo Mićo Sokolović, osnivač bosanskohercegovačkog sindikalnog pokreta. Bio je naše gore list, rođen u selu Sokolovići kod Sokoca, završio je tri godine gimnazije u Sarajevu, ali je zbog teške finansijske situacije u kući morao odustati od gimnazije. Otišao je

u Beograd gdje završava zanat za knjigovezca. U Beogradu se priključuje radničkom pokretu i brzo napreduje. Kada se 1905. kao dvadesetogodišnjak vratio u Bosnu i Hercegovinu, zatekao je mlad i slabo organizovan radnički pokret, te se srčano bacio u borbu za prava radnika. Dobio je posao u Zemaljskoj štampariji i odmah se dao na izgradnju radničkih organizacija. Iste godine on u ovoj štampariji organizuje štrajk zbog čega biva osuđen na 4 dana zatvora i otpušten iz službe.

Sokolović nije okljevao niti se pokolebao, naprotiv odmah je krenuo sa aktivnostima za osnivanje Glavnog radničkog saveza, kao najviše sindikalne organizacije u Bosni i Hercegovini.

Već 10. augusta je na konferenciji radničkih predstavnika usvojena rezolucija kojom se traži pravo udruživanja, javnih zborova i konferencija u cilju razvoja radničke solidarnosti i zajedničkog djelovanja. Rezoluciju je potpisalo 12 radničkih predstavnika.

Osnivačka skupština Glavnog radničkog saveza za Bosnu i Hercegovinu održana je nekoliko dana kasnije, 27. augusta 1905. godine, što je ujedno i prvi opći javni radnički zbor u Sarajevu. Zbor se održao ispred današnje zgrade Centralne banke u Sarajevu, a njima je predsjedavao Sokolović. Ovdje su usvojena pravila osnivanja i djelovanja Glavnog radničkog saveza.



Zgrada Centralne banke u Sarajevu gdje se održala prva skupština Glavnog radničkog saveza


Formirani brojni strukovni savezi i radnička udruženja

Koliki je odjek imalo formiranje Glavnog radničkog saveza najbolje pokazuje činjenica da je do kraja godine oformljen čitav niz novih radničkih strukovnih udruženja poput: Saveza građevinskih radnika, Saveza drvodeljskih radnika, Saveza kovinskih (metalskih) radnika, Saveza mlinsko-pekarskih radnika, Saveza soboslikarskih i ličilarških radnika, te Saveza krojačkih radnika. Iste godine oformljeno je i poznato radničko pjevačko i tamburaško društvo „Proleter“.

Vlasti su uporno odbijale dati dozvolu za rad Glavnog radničkog savezu, a nisu priznavale ni strukovne saveze. Mihajlo Mićo Sokolović je preminuo u aprilu 1906. godine i nije dočekao da Glavni radnički savez dobije dozvolu za rad. Nekoliko dana nakon njegove smrti u našoj zemlji je izbio prvi generalni štrajk, a vlasti su pod pritiskom do kraja godine legalizovale Glavni radnički savez, njegove podružnice i strukovna udruženja.

Prva uprava Glavnog radničkog saveza za Bosnu i Hercegovinu imala je dvadeset članova, bila je multietničkog karaktera, a imala je u svom sastavu i četiri žene. To je još jedan pokazatelj kako je upravo radnički pokret od svojih početaka bio glavni nosilac savremene ideje multietničnosti i rodne ravnopravnosti u Bosni i Hercegovini.

Danas Savez samostalnih sindikata Bosne i Hercegovine predstavlja nasljednika Glavnog radničkog saveza i održava kontinuitet sindikalnog organizovanja i sindikalne borbe u našoj domovini.




IN MEMORIAM



Nijaz Duraković (1949-2012)



Ivan Brigić (1936-2015)



Sabrija Pojskić (1934-2015)

Nijaz Duraković je rođen u Stocu 1949. godine, a 1971. godine završava studij sociologije na Fakultetu političkih nauka u Sarajevu, zatim 1975. dobiva titulu magistra, a doktorirao je 1979. godine. Rad na istom fakultetu počeo je kao asistent 1976., a 1986. godine postaje redovni profesor na predmetima Uporedni politički sistemi i Međunarodni odnosi.

Godine 1967. pristupio je Savezu komunista, a predsjednikom Centralnog komiteta Saveza komunista BiH imenovan je 29. juna 1989., a već iduće godine postao je član Predsjedništva Saveza komunista Jugoslavije. Pred rat je bio jedan od zagovornika transformacije Saveza komunista BiH u demokratsku stranku, te je kao predsjednik CK SK BiH transformirao stranku u Savez komunista BiH - Stranku demokratskih promjena, kasnije preimenovanu u Socijaldemokratsku partiju BiH na kongresu održanom u decembru 1992., kada postaje njen prvi predsjednik.

Ivan Brigić je rođen u Duvnu 1936. godine, a tokom bogate političke karijere, između ostalog, obavljao je dužnosti zastupnika u Skupštini Socijalističke republike BiH, zastupnika i zamjenika predsjedavajućeg Zastupničkog doma Parlamenta Federacije BiH, dok je također bio i delegat u Domu naroda Parlamenta Federacije BiH i zastupnik u Skupštini Kantona Sarajevo, te je obavljao i dužnosti zamjenika predsjedavajućeg ove Skupštine. Dugi je niz godina Ivan Brigić bio u vrhu partije i obavljao značajne funkcije, uključujući i one člana Predsjedništva i potpredsjednika Glavnog odbora SDP BiH. Brojne političke funkcije koje je Brigić u 60 godina dugo političkoj karijeri časno obavljao dale su nemjerljiv doprinos razvoju BiH i izgradnji njenih institucija, kako u okviru bivše Socijalističke Federativne Republike Jugoslavije tako i tokom rata devedesetih i poslijе, učestvujući u odbrani integriteta i bića države Bosne i Hercegovine.


Sabrija Pojskić rođen je u Zenici 2. aprila 1934. godine, gdje je završio osnovnu školu i gimnaziju, dok je Pravni fakultet završio u Sarajevu.

Magistrirao je na Fakultetu političkih nauka u Beogradu, a tokom svog radnog vijeka radio je na odgovornim dužnostima u privredi, političkim i državnim organima BiH. Bio je zamjenik sreskog javnog tužioca u Zenici (1959-1961), zamjenik direktora Sektora za organizaciju Rudarsko-metalurškog kombinata Zenica (1970-1974), sekretar Opštinskog komiteta Saveza Komunista BiH Zenica (1974-1978), izvršni sekretar u Centralnom komitetu Saveza Komunista BiH (1978-1986), član Predsjedništva Republičke konferencije Saveza socijalista radnih naroda BiH (1986-1988), potpredsjednik Izvršnog vijeća SRBiH (1988-1990), član Saveznog izvršnog vijeća Skupštine SFRJ (1990-1992) i savjetnik u Vladi RBiH (1992-1994).

SJEĆANJE NA PREMINULE ČLANOVE I ČLANICE SDP BIH IZ LOKALNIH ORGANIZACIJA

Avdić Đulsa (1938-2015) Jablanica
Bašić Suvad (1958-2015) Foča-FBiH
Bešlija Bajro (1994-2015) Olovo
Čilić Osman (1934-2015) Jablanica
Čuturić Mustafa (1934-2016) Iljaš
Divjakinja Milovan (1930-2015) Novo Sarajevo
Droca Veljko Veljo (1939-2016) Centar Sarajevo
Gusić Jasmin (1961-2015) Jablanica
Halilhodžić Omer (1951-2015) Jablanica
Harba Bakir (1951-2011) Ilička
Hodžić Enver (1958-2013) Ilička
Huseinović Mirsada (1965-2016) Centar Sarajevo
Imamović Adem (1943-2015) Jablanica
Imamović Muharem (1945-2003) Kakanj
Kopić Mirzet (1962-2014) Olovo
Likić Jasmin (1984-2014) Srebrenik
Janušić Ivan (1939-2015) Novo Sarajevo
Junuzović Fahrudin (1956-2015) Kiseljak
Makić Hamdo (2006) Jajce
Martinović Branko (1932-2016) Novo Sarajevo

Marković Jovan (2016) Vogošća
Miljković Alaga (1937-2011) Velika Kladuša
Mirković Mara (1927-2016) Novo Sarajevo
Mujković Mujesira (1955-2015) Goražde
Mujagić Fadil (1949-2016) Goražde
Mulahmetović Rasim (1932-2015) Ključ
Mustedanagić Šefik (1953-2012) Velika Kladuša
Mustedanagić Redžo Braco (1961-2015) Velika Kladuša
Pilav Zikret (1939-2015) Novo Sarajevo
Pozder Šefik (1954-2014) Ilička
Skok Zdenko (1939-2014) Novo Sarajevo
Stenek Zoran - Šabot (1940-2014) Konjic
Šehić Zilka (1940-2016) Centar Sarajevo
Todorović Olga (1936-2015) Goražde
Varunek Željko (1953-2013) Centar Sarajevo
Zaimović Muhamed (1935-2016) Goražde
Zaimović Hašira (1935-2015) Goražde
Zećo Rusmir (1954-2014) Novo Sarajevo
Zeković Ćamil (1939-2015) Novo Sarajevo



Kad je krčmljenje narodnih para u pitanju, dogovor se postigne za tili čas. Ne zaboravite da su to oni isti koji nam predlažu izbacivanje životnih namirnica iz potrošačke korpe kako bi se uklopile u prosječnu platu. Jedino što se mora priznati za trenutnu vlast, nije što je naša, ali bolji cirkus ne postoji.



ŽILAVKA VIŠE NIJE NAŠ BREND, NACIONALIZAM BRŽE OPIJA I DUŽE DRŽI

Piše: Zoran Mikulić

Moj rodni grad često mijenja državu, a još češće granice. Izgleda da trenutna situacija u Mostaru uopće nije trenutna. Kako sada stvari stoje, Mostar će opet ostati bez izbora. Mostarcima će i dalje njihova osnovna građanska prava uskraćivati oni čija su usta svakodnevno puna tih istih građanskih prava, majorizacije, rješavanja hrvatskog pitanja, prava Bošnjaka u RS- u, dok istovremeno ti isti, u svojoj kući, u HNK, gdje decenijama neprikošnovenno vladaju, to isto uskraćuju našim sugrađanima srpske nacionalnosti. Naime, ustav HNK ne poznaje ni Srbe ni Ostale kao konstitutivne ni kao ravnopravne.

U sveopćoj poplavi kvazirješenja za Mostar, nacionalne stranke se, spram naroda, ponašaju poput toreadora. Nude umotano svašta, a zauzvrat traže samo sve. Ono što traže je, naravno u interesu zaštite vlastitog naroda i u interesu korektnosti prema ostalim narodima??? Jedini cilj im je, ustvari ostvariti neprikošnovenu vlast, a jedino je pitanje na kolikom dijelu teritorije grada!? Novac i slava ih ne zanimaju. ... Samo novac.

U pozadini svega je naravno i jedino interes. Financijski i politički. Oni oduvijek vlast körste jedino zbog zadovoljenja svojih i potreba svojih najbližih.

Svakog dana gledaju samo u ogledalo i dive se ponudi, za sve ostale ih nije briga. Svaki dogovor s njima je avantura, kao dogovor postignut s Delboyem. Sve čine da se do dogovora uopće niti ne dođe jer im postojeće stanje apsolutno odgovara. Bez ikakve odgovornosti, bez

obaveze da ikome podnose račune i izvješća, samostalno krčme proračunskih šezdesetak miliona KM. Pravila u kojima bi se Delboy sa uživanjem snalazio. Postavlja li itko pitanje šta bi se desilo da gradonačelnik, iz bilo kojih, ljudskih, prirodnih ili čak principijelnih razloga, ne bude više mogao obnašati dužnost? Tko bi tada financirao predizborne i stranačke dilove. Naravno da bi se tada za jedan dan iznašlo rješenje.

Kad je krčmljenje narodnih para u pitanju, dogovor se postigne za tili čas. Ne zaboravite da su to oni isti koji nam predlažu izbacivanje životnih namirnica iz potrošačke korpe kako bi se uklopile u prosječnu platu. Jedino što se mora priznati za trenutnu vlast, nije što je naša, ali bolji cirkus ne postoji.

Možda su ipak planirali stvaranje jedinstvenog grada, doduše samo u etapama....Stoljeće po stoljeće. Ili su stidljivi pa to rade skromno, gotovo neprimjetno! Ovo malo, što se trude oko rješenja, podsjeća na spoznaju da su njihovom javašluku odbrojani dani pa sad misle da su na redu godine.

Oni su nam stvorili poslovni ambijent u kojem, ne znam je li veći zločin osnovati banku ili opljačkati banku. Zasigurno nitko više ne može računati na to da će biti rođen i da će umrijeti u istoj državi. Napravili su dvije "one" strane, zatvorili nas tamjanom i predozirali nacionalizmom. Žilavka više nije naš brend. Nacionalizam brže opija i duže drži.

Preživio je Mostar i carstva i kraljevstva. I monarchije i begovluke i feudalizam i kapitalizam, fašizam i socijalizam, pa će preživjeti i ovaj privatni liberalni nacionalizam.

Davno su nagovijestili rješenje koje će frustrirati građane. Sada se sa sigurnošću možemo opustiti, ne prijeti nam nikakva budućnost. Očekivali smo od vlasti da otkloni neizvjesnost, da ne nanose nove nepravde, a oni nam hladnokrvno kažu da je odlično to što će ubiti princezu, a spasiti zmaja.

Naravno da je sve ovo samo jedan opasan paravan za, već osmišljenu podjelu Federacije. Državi otkazuju vitalni organi, a oni misle da je konačno rješenje to što će je priključiti na aparate. Za sada samo na tužiteljski aparat, a dalje ćemo vidjeti.

Mostara će biti, a njih jednom, kad građani shvate, konačno i neće. Da li je danas već vrijeme? Pustite ono malo Mostaraca, što je ostalo u gradu, da na izborima kažu svoje. Dajte da bar imamo te izbore.

Dajte da bar pokušamo ispraviti ono što smo zabrljali 18.11.1990.godine. Dajte da bar pokušamo rješiti se ovih što hoće od Mostara da naprave ono što su davno napravili od BiH, najveću neprofitnu organizaciju u Europi.



PRISTUPNICA

Aplikaciju je potrebno popuniti čitko, štampanim slovima. Sa * su označena polja koja je potrebno obavezno popuniti.

1. LIČNI PODACI

Prezime*	
Ime*	
Pol*	
Datum rođenja*	
JMBG	
Broj lične karte	
Nacionalnost*	
Državljanstvo	
Bračni status	

6. PODACI O OBRAZOVANJU

Stručna sprema*	
Zvanje / titula	
Zanimanje*	
Oblast zanimanja	
Poznavanje jezika	

7. RANIJI POLITIČKI ANGAŽMAN

Naziv političke stranke u kojoj ste bili član/ica	
Pozicija u stranci	
Period članstva	

8. ČLANSTVO U INTERESnim OBЛИCИMA ORGANIZOVANJA SDP BIH

Forum mladih	
Forum žena	
Forum sindikalnih aktivista i aktivistica	
Forum seniora / senioreki	

9. VIDIovi ANGAŽMANA ZA KOJE STE ZINTERESOVANI

djelovanje u zakonodavnoj vlasti	
djelovanje u izvršnoj vlasti	
razvoj i organizaciono jačanje SDP BiH	
profiliranje politike i stavova SDP BiH u oblasti (upisati)	
drugo (upisati)	

Mjesto i datum

Potpis člana / članice

sloboda, jednakost, solidarnost

